

T5299/8508(7)
C2

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

JAN 6 1964

此書係由本館代印
凡欲閱者請向本館
或各分館索取
本館地址在廣州
沙面
電話號碼
本館代印
凡欲閱者請向本館
或各分館索取
本館地址在廣州
沙面
電話號碼

杜工部集卷之十二

哈佛大學漢和圖書館珍藏印

虞山蒙叟錢

謙益

箋註

近體詩一百二十八首

在成都及綿漢梓州作

奉和嚴中丞西城晚眺十韻

汲黯匡君切。廉頗出將頻。直詞才不世。雄畧動一作用如神。政簡移風速。詩清立意新。層城臨暇一作媚景。絕域望餘春。旗尾蛟龍會。樓頭鷲雀馴。地平江動蜀。天闊樹浮秦。帝念深分閫。軍須遠算緡。花羅封峽蝶。瑞錦送麒麟。辭第輸高義。觀圖憶古人。征南多興緒。事業闡相親。

算緡

食貨志商賈滋眾貧者畜積無有皆仰縣官異時算輶車賈人之緡錢皆有差請算如故師古曰緡謂錢貫也

嚴中丞枉駕見過

嚴自東川除西川勅令兩川都節制

元戎小隊出郊坰，問柳尋花到野亭。川合東西瞻使

節，地分南北任流萍。扁舟不獨如張翰，白一作帽還

應一作似管寧寂寞，江天雲霧裏何人道。有少微星

川合東西

上元二年十一月武代崔光遠鎮蜀是時合劍兩川為一道廢東川節度此詩系云自東川除西川以武初鎮東川故

也詳見八哀詩注張翰初不相識乃就循言譚曰吾亦有事北京便同載即去

阜帽

魏志管寧常著阜帽布襦袴布裙隨時單複

少微

隋志少微四星在太微西士大夫之位也一名處七星明黃則處士

舉矣

廣州段功曹到得楊五長史譚書功曹却歸聊

寄此詩

衛青開幕府，楊僕將樓船。漢節梅花外，春城海水邊。

銅梁書遠及珠浦使將旋，貧病他鄉老。煩君萬里傳

楊僕

南粵傳楊僕為樓船將軍出豫章下橫浦元和郡國志桂江一名灘水經臨桂縣東去縣十步楊僕平南粵出零陵下灘水即謂此

也珠浦

後漢循吏傳孟嘗為合浦太守郡不產穀實而海出珠

得廣州張判官叔卿書使還以詩代意

鄉關□騎遠，宇宙蜀城偏。忽得炎州信，遙從月峽

傳。雲深驃騎幕，夜隔孝廉船。却寄雙愁眼，相思一作淚

點懸

張叔卿

魯人見公雜述及舊書李白傳

孝廉船

世說張憑謁丹陽尹劉惔惔留宿明日乃還船須臾惔傳教覓張孝

廉船名與同載

送段功曹歸廣州

南海春天外，功曹幾月程。行峽雲籠樹，小湖日落云蕩

船明交趾丹砂重。韶州白葛輕。幸君因旅一作客時寄錦官城。

絕句漫興九首

眼見前二云客愁愁不醒。無賴春色到江亭。即遣花開一作飛深一作從造次便覺一作教鶯語太丁寧。

手種桃李非無主。野老牆低還似一作是家。恰似春風相聲入。欺得夜來吹折數枝花。

陸放翁云白樂天用相字多作思必切如爲問長安月如何不相離也此詩相欺亦當從入聲讀

熟一作耐知一作熟茅齋絕低小。江上鷺子故來頻。銜泥點污琴書內。更接飛蟲打著人。

二月已破三月來。漸老逢春能幾迴。莫思草堂作辭身外無窮事。且盡生前有限杯。

腸斷春江江春欲盡一作白頭。杖藜徐步立芳洲。顛狂柳絮隨風去。輕薄桃花逐水流。

懶慢無堪不出村。呼兒日在掩柴門。蒼苔濁酒林中靜。碧水春風野外昏。

糝徑楊花鋪白氈。點溪荷葉疊一作累青錢。一云筍一作竹根稚一作雜子無人見。沙上鳧雛傍母眠。

稚子吳若本注稚子筍也一作稚子漢鏡歌有稚子班西溪叢語杜牧之朱坡詩小蓮娃欲語幽笋稚相携言筍如稚子與竹根稚子同意舍西柔桑葉可拈。江畔細麥復纖纖。人生幾何春已夏。不放香醪如蜜甜。

蜜甜梁朱异田飲引豈味薄于東魯鄙率甜于南湖

士集卷十二

隔戶二云楊柳弱嫋嫋恰似十五女兒腰誰謂朝來不作意狂風挽斷最長條

江畔獨步尋花七絕句

江上被花惱不徹無處告訴只顛狂走覓南鄰愛酒伴經旬出飲獨空牀解斯融吾酒徒

稠花亂蕊畏二云江濱行步歎危實獨怕春詩酒尚堪

驅使在未須料理白頭人

料理晉書王徽之傳卿在府日久比常相料理

江深竹靜兩三家多事紅花映白花報答春光知有處應須美酒送生涯

東望少城花滿烟百花高樓更可憐誰能載酒開金

盞一作喚取佳人舞繡筵

少城元和郡國志少城一曰小城在成都縣西南一里二百步寰宇志少城在縣南一百步李膺記與大城俱築唯西南北三壁東即大

城之西墉故蜀都賦云亞以少城接乎其西

黃師塔前江水東春光懶困倚微風桃花一簇開無

主可愛深紅愛一云映淺紅一作與

黃師塔陸放翁曰予以事至犀浦過松林甚茂問馭卒何處答曰師塔也蓋謂僧所葬之塔于是乃悟杜詩黃師塔前之句

黃四娘家花滿蹊千朵萬朵壓枝低留連戲蝶時時舞自在嬌鶯恰恰啼

不是愛花即肯死一作不是看只恐花盡老相催繁枝

容易紛紛落嫩葉一作商量細細開

三絕句

楸樹馨香倚釣磯，斬新花藥未應飛。不如醉裏風吹

二云盡可一作忍醒時雨打稀。

門外鷓鴣去一作不來，沙頭忽見眼相猜。自今已後知

人意，一日須來一百回。

無數春筍滿林生，柴門密掩斷人行。會須上番去看

成竹，客至從嗔不出迎。

戲為六絕句

庾信文章老更成，凌雲健筆意縱橫。今人嗤點流傳

賦，不覺前賢畏後生。

庾信

周書傳贊曰：子山之文發源于宋末，盛行于梁季，其體以淫放為本，其詞以輕險為宗，故能誇目侈于紅紫，蕩心逾于鄭衛。楊子雲有言：詩人之賦麗以則，詞人之賦麗以嗤。點于寶晉，紀蓋世共嗤點。淫若以庾氏方之，斯又詞賦之罪人也。

楊王一作盧駱當時體，輕薄為文哂未休。爾曹身與名

俱滅，不廢江河萬古流。

縱使盧王操翰墨，劣于漢魏近風騷。龍文虎脊皆君

馭，歷塊過都見爾曹。

風騷

宋書自漢至魏，文體三變，莫不同祖風騷。杜牧李賀歌詩序騷之苗裔，理雖不逮，辭或過之。

才力應難誇數公，凡今誰是出羣雄。或看翡翠蘭苕

上，未掣鯨魚碧海中。

翡翠

郭璞遊仙詩：翡翠戲蘭苕，容色更相鮮。

不薄今人愛古人，清詞麗句必為鄰。竊攀屈宋宜方

駕，恐與齊梁作後塵。

未及前賢更勿疑，遞相祖述復先誰。別裁偽體親風

雅轉益多師是汝師

祖述

謝靈運傳論王褒劉向揚班崔蔡之徒遞相師祖

箋曰作詩以論文而題曰戲為六絕句蓋寓言以自况也韓退之之詩曰李杜文章在光焰萬丈長不知羣兒愚那用故謗傷蚍蜉撼大樹可笑不自量然則當公之世羣兒之謗傷者或不少矣故借庾信四子以發其意咄點流傳輕薄為文皆指並時之人也一則曰爾曹再則曰爾曹正退之所謂羣兒也盧王之文劣于漢魏而能江河萬古者以其近于風騷也况其上薄風騷而又不劣于漢魏者乎凡今誰是出羣雄公所以自命也蘭若翡翠指當時研揣聲病尋摘章句之徒鯨魚碧海則所謂渾涵汪洋千彙萬狀兼古人而有之者也亦退之之所謂橫空盤硬妥帖排鼻垠崖崩豁乾坤雷碾者也論至于此非李杜誰足以當之而他人有不憚然自失者乎不薄今人以下惜時人之是古非今不知別裁而正告之也齊梁以下對屈宋言之皆今人也不薄今而愛古期于清詞麗句必與古人為鄰則可耳今人侈言屈宋而轉作齊梁之後塵不亦傷乎又曰今人之未及前賢無怪其然也以其遞相祖述沿流失源而不知誰為之先也騷雅有真騷雅漢魏有真漢魏等而下之至于齊梁唐初靡不有真面目焉舍是則皆偽體也別者區別之謂裁者裁而去之也果能別裁偽體則近于風雅矣白風雅而下至于庾信四子孰非我師雖欲為咄點輕薄之流其可得乎故曰轉益多師是汝師呼之曰汝所謂爾曹也哀其身與名俱滅諄諄然呼而寤之也題之曰戲亦見其通懷商榷不欲自以為是後人知此

意者鮮矣

江頭五詠丁香

丁香體柔弱亂結枝猶墊細葉帶浮毛疎花披素艷
深栽小齋後庶近幽人占晚墮蘭麝中休懷粉身念

丁香

本草衍義曰華子云丁香香治口氣此正是御史所舍之香也樹高丈餘葉似櫟葉花圓細黃色凌冬不凋

麗春

百草競春華麗春應最勝少須晉作好顏色草堂作顏色好多漫

枝條剩紛紛桃李枝處處總能移如何貴此重

晉作稀如可貴重

却怕有人知

梔子

梔子比衆木人間誠未多於身色有用與道氣傷一作相

和紅取風霜實青看雨露柯無情移得汝貴在映江波

梔子

本草圖經梔子西蜀州郡皆有之木高七八尺花皆六出甚芬香俗說即西域簷蔔也夏秋結實如訶子狀生青熟黃中仁深紅本經主治五内邪氣胃中熱氣西陽雜俎諸花少六出者唯梔子花六出陶貞白言梔子剪花六出刻花七道其花香甚即西域簷蔔花也

鷓鴣

故使籠寬織須知動損毛看雲莫悵望失水任呼號
六翮曾經剪孤飛卒一作只未高且無鷹隼慮留滯莫辭勞

花鴨

花鴨無泥滓堦前一作中庭每緩行羽毛知獨立黑白太分明不覺羣心妬休牽衆眼驚稻梁霑一作知汝在作意莫

先鳴

畏人

早花隨處發春鳥異方啼萬里清江上三年二云峰落日
低畏人成小築褊性合幽棲門逕二云逕沒從榛草無心走一作待馬蹄

遠遊

賤子何人記迷芳一作左著處家竹風連野色江沫擁春
沙種藥扶衰病吟詩解歎嗟似聞口騎走失喜問京華

野望

西山白雪三奇一作城戍南浦清江萬里橋海內風塵

諸弟隔天涯。涕淚一身遙。唯將遲暮供多病。未有涓埃答聖朝。跨馬出郊時。極目不堪人。事日一作自蕭條。

三奇

困學紀聞唐地理志彭州導江縣有三奇戍韋臯傳遣大將陳垣等出三奇西南備邊錄所謂三奇營也當從舊本作三奇為是按

西山三城界于吐蕃為蜀邊要害屢見杜詩正不必作三奇此穿鑿之過耳

官池春雁二首

自古稻梁多不足。至今鴻鵠亂為羣。且休悵望看春水。更恐歸飛隔暮雲。

青春欲盡急還鄉。紫塞寧論尚有霜。翅在雲天終不遠。力微繒繳絕須防。

水檻遣心二首

去郭軒楹敞無村

草堂作材

眺望賒澄江。平少岸幽樹晚多。

花細雨魚兒出。微風燕子斜。城中十萬戶。此地兩三家。

蜀天常夜雨。江檻已朝晴。葉潤林塘密。衣乾枕席清。

不堪祗老病。何得尚晉作浮名。淺把涓涓酒。深憑送此生。

屏跡三首

用拙存一作誠吾道。幽居近物情。桑麻深雨露。燕雀半生

成。村鼓時時急。漁舟箇箇輕。杖藜從白首。心跡喜雙

清。

晚起家何事。無營地轉幽。竹光團一作圍野色。舍一作山影漾

江流。失學從兒懶。長貧任婦愁。百年渾得醉。一月不

梳頭

衰顏一作年其屏迹幽事供高卧鳥下竹根行龜開萍葉

過年荒酒價乏日併園蔬課猶酌其泉歌一二云獨酌斟且歌一二云獨酌酌

其歌長擊樽破

寄題杜二錦江野亭

嚴武

漫向江頭把釣竿懶眠沙草愛風湍莫倚善題鸚鵡

賦何須不著鷓鴣冠腹中書籍幽時曬肘後醫方靜

處看興發會能馳駿二云五馬終須晉作當重一作直到使君灘

使君灘水經注江水東逕羊腸虎臂灘楊亮為益州至此舟覆微其波瀾蜀人至今猶名之為使君灘

奉酬嚴公寄題野亭之作

拾遺曾奏數行書懶性從來水竹居奉引濫騎沙苑

馬幽棲真釣錦江魚謝安不倦登臨費一作賞阮籍焉知

禮法疎枉沐二云何日旌麾出城府草茅無一作荒徑欲教鋤

孔毅夫續世說嚴武為成都尹甫與武世舊待遇甚隆於浣花里種竹植木結廬枕江縱酒吟咏與田峻野老相蕩狎武過之有時不冠故武此詩云何須不著鷓鴣冠而公解其嘲曰阮籍焉知禮法疎也

中丞嚴公雨中垂寄見憶一絕奉荅二絕

雨映行宮一作官一作雲非是辱贈詩元戎肯赴野人期二云元戎欲動野人知

江邊老病雖無力強擬晴天理釣絲

行宮國史補蜀郡有萬里橋玄宗至而喜曰吾自知行地萬里則歸公草堂在萬里橋當與行宮相近張說奉和早渡蒲關詩樓映行宮曰

何日雨晴雲出溪白沙青石先二云洗無泥只須伐竹開

荒徑倚一作柱杖穿花聽馬嘶一云鳥啼

謝嚴中丞送青城山道士乳酒一瓶

山瓶乳酒下青雲氣味濃香幸見分鳴鞭走送憐漁父洗盞開嘗對馬軍軍州謂驅使騎為馬軍

嚴公仲夏枉駕草堂兼携酒饌得寒字 草堂本一作鄭公枉駕携饌訪水亭

竹裏行厨洗玉盤花邊立馬簇金鞍非關使者徵求

急自識將軍禮數寬百年地闊今本作柴門迥五月江深

草閣寒看弄漁舟移白日老農何有罄交歡

國史補嚴武少以強俊知名蜀中坐衙杜甫祖眺登其几案武愛其才終不加害此所謂將軍禮數寬也鈞簾欲殺之語最為誣罔不知宋子京新書何以載之本傳

嚴公廳宴同詠蜀道畫圖 得空字

日臨公館靜畫滿一作地圖雄劔閣星橋北松州雪嶺

東華□山不斷吳蜀水相通興與烟霞會清樽幸不

空

星橋水經注李冰沿水造橋上應七宿故世祖謂吳漢曰安軍宜在七星連橋間松州元和郡國志雪山在松州嘉城縣東

八十里

奉送嚴公入朝十韻

鼎湖瞻望遠象闕憲章新四海猶多難中原憶舊臣

與時安反側自昔有經綸感激張天步從容靜塞塵

南圖迴羽翮北極捧星辰漏鼓還思晝宮鸞罷轉春

空留玉帳術愁殺錦城人閣道通丹地江潭隱白蘋

此生那老蜀不死會歸秦公若登台輔臨危莫愛身

鼎湖二聖山陵召武為橋道使故云鼎湖玉帳唐藝文志李靖有玉帳經一卷丹地漢制省中皆口

列女以丹漆地謂之丹墀張正見艷歌執戟移丹地

酬別杜二

嚴武

獨逢堯典日，再覩漢官儀。未効風霜勁，空慙雨露私。
夜鐘清萬戶，曙漏拂千旗。並向殊庭謁，俱承別館追。
斗城憐舊路，渦水惜歸期。峰樹還相伴，江雲更對垂。
試迴滄海棹，莫一作更妬敬亭詩。祗是書應寄，無忘酒共持。
但令心事在，未肯鬢毛衰。最悵巴山裏，清猿惱夢思。

渦水

元和郡國志：渦水在譙縣西四十八里。魏文帝以舟師自譙循渦入淮，非二公送別之地。詩云：斗城憐舊路。按元和郡國志：綿州城理漢涪縣，去成都三百五十里，依山作州。東據天池，西臨涪水，形如北斗，卧龍穴焉。則斗城指綿州之城，非謂長安也。所臨之水應在綿州，無容遠指渦水。渦水斷是涪水，蓋傳寫之誤耳。

送嚴侍郎到綿州同登杜使君江樓

得心字

野興每難盡，江樓延賞心。歸朝送使節，落景惜登臨。
稍稍烟集渚，微微風動襟。重船依淺瀨，輕鳥度層陰。
檻峻背幽谷，窓虛交茂林。燈光散遠近，月彩靜高深。
城擁朝來客，天橫醉後參。窮途衰謝意，苦調短長吟。
此會共能幾，諸孫賢至今。不勞朱戶閉，自待白河沈。

江樓

方輿勝覽：枕綿州城之東隅，上有唐江亭。記觀杜詩則古之江樓在南山下。

奉濟驛重送嚴公四韻

遠送從此別，青山空復情。幾時盃重把，昨夜月同行。
列郡謳歌惜，三朝出入榮。江村獨歸處，寂寞養殘生。
巴西驛亭觀江漲呈竇使君
草堂本作竇十五使君
宿雨南江漲，波濤亂遠峰。孤亭凌噴薄，萬井逼春容。

霄漢愁高鳥泥沙困老龍天邊同客舍携我豁心胸

巴西

寰宇記巴西縣屬綿州本漢涪縣杜安簡地志巴郡巴渝集壁巴東夔忠巴西綿州

南江

卽綿江也

九日登梓州城

伊昔黃花酒如今白髮翁追歡筋力異望遠歲時同
弟妹悲歌裏朝廷一作乾坤醉眼中兵戈與關塞此日意無窮

兵戈關塞指徐知道以兵守劔閣也鶴注牽引朝義党項愚矣

巴嶺荅杜二見憶

嚴武

卧向巴山落月時兩鄉千里夢相思可但步兵偏愛酒也知光祿最能詩江頭赤葉楓愁客籬外黃花菊對誰跋馬望君非一度冷猿秋雁不勝悲

九日奉寄嚴大夫

九日應愁思經時冒險艱不眠持漢節何路出巴山
小驛香醪嫩重巖細菊草堂作雨班遙知簇鞍馬迴首白雲間

寶應元年四月代宗卽位召武入朝是年徐知道反武阻兵九月尚未出巴通鑑載六月以武爲西川節度使徐知道守要害拒武武不得進誤也當以此詩正之

黃草

黃草峽西船不歸赤甲山下行人二云人行稀秦中驛使無消息蜀道兵二云千戈有是非萬里秋風吹錦水誰家別淚濕羅衣莫愁劔閣終堪據聞道松州已被圍

黃草

胡三省曰水經注涪州之西有黃葛峽山高險絕無人居意卽此峽也杜詩黃草峽西注云在涪州之西

松州

輿地紀勝

通鑑于代宗廣德元年書吐蕃陷松維保三州茂州圖經云廣德二
年吐蕃取隴右西川節度高適出兵西山牽制無功遂亡松維
鶴曰秦中驛使謂李之芳奉使見留也蜀道兵戈謂徐知道據劍閣也當
時公在梓閬非夔州詩也按鶴說良是但又引來瑱裴茂之戰以解首二
句為曲
說耳

懷舊

地下蘇司業情親獨有君。那因喪一作衰亂後便二云更作死。

生分老罷知明鏡悲來望白雲自從失詞伯不復更

論文公前名預緣避御諱改為源明

所思得台州鄭司戶度消息

鄭老身仍窺台州信所始傳為農山澗曲卧病海雲

邊世已疎儒素人猶乞酒錢徒勞望牛斗無計斷龍

泉

不見近無李白消息

不見李生久伴狂真可哀世人皆欲殺吾意獨憐才

敏捷詩千首飄零酒一盃匡山讀書處頭白好始歸

來

匡山

唐詩紀事載東蜀楊天惠彰明逸事云元符二年補令於此聞李
白本邑人微時募小吏棄去隱居大匡山今猶有讀書臺吳曾能

改齋漫錄歐陽志輿地廣記皆本天惠之說按太白居廬山見于詩文不
一而足曾鞏詩序云永王璘節度東南白時卧廬山璘迫致之公憐其因

此得罪故云匡山讀書處頭白好歸來彰明遺事所載乃委巷傳聞之語
近時楊慎輩力引為蜀中故事殊不足信容齋三筆亦云太白鄉郡當以

范傳正碑為正范碑云國朝已來編於屬藉神龍初潛還廣漢因僑為郡人杜田
杜詩補遺引范碑云白之先客居蜀之彰明太白生焉云云此好事者偽

為之以附會杜詩也

題玄武禪師屋壁

何年顧虎頭滿壁座盡瀛曾作滄州赤日石林氣青天江

海二云流錫飛常近鶴。杯度不驚鷗。似得廬山路。真隨

惠遠遊。

玄武

寰宇記玄武山九州要記云一名宜君山華陽國志云一名三峴山在玄武縣東二里其山六屈三起方輿勝覽大雄山在中江有

真武廟杜詩玄武禪師屋在此

客夜

客睡何曾著。秋天不肯明。卷簾殘月影。高枕遠江聲。計拙無衣食。途窮仗友生。老妻書數紙。應悉未歸情。

吳曾漫錄張說有深渡驛詩云洞房懸月影高枕聽江流此詩用其意

客亭

秋窓猶曙色。落木一作水落更天一作高。風日出寒山外。江流宿霧中。聖朝無棄物。老病已成翁。多少殘生事。飄零

似轉蓬。

秋盡

秋盡東行且未迴。茅齋寄在少城隈。籬邊老却陶潛菊。江上徒逢袁紹盃。雪嶺獨看西日落。二云暮劍門猶阻北人來。不辭萬里長為客。懷抱何時得好開。一云好

袁紹盃

鄭玄傳袁紹總兵冀州遣使要玄大會賓客玄最後至乃延升上坐身長八尺飲酒一斛秀眉明目容儀溫偉公以玄自况為

儒而遭世難也舊注引河朔飲非是

劍門

徐知道兵據劍閣故曰猶阻北人來邵寶曰此時雪嶺無人可到但可望日落而已

陪王侍御宴通泉東山野亭

江水東流去。清樽日復斜。異方同宴賞。何處是京華。亭景臨山水。村烟對浦沙。狂歌過子二云形。勝得醉即為家。

野望

金華山北二云南涪水西。仲冬風日始淒淒。山連越雋蟠

三蜀水散巴渝下。五溪獨鶴不知何事舞。飢鳥似欲

向人啼。射洪春酒寒仍綠。目極傷神誰為携。

金華山 方輿勝覽 在射洪縣 涪水 寰宇記涪江在鄆縣西二百里自涪城縣東南流入縣界合中江東流入射洪縣界屈曲

二十里北通遂州水經云涪江水又越雋 寰宇記雋州越雋郡本益州西南外爨地漢武帝以邛都

之地為越雋郡郡有越水雋水皆出巴渝 寰宇記巴州北水一名巴嶺深羗界南歷本郡焉故名越雋郡

涪州入蜀江五溪謂酉辰巫武沅等五溪水經注云武陵有五溪謂雄溪

橫溪力溪無溪酉溪辰溪其一焉夾溪悉是蠻左右也 謂此蠻為五

射洪 元和郡國志梓潼水與涪江合流急如箭也 奔射涪江口蜀人謂水口為洪因名射洪

聞官軍收河南河北 一云收兩河

劍外忽傳收薊北。初聞涕淚滿衣裳。却看妻子愁何

在。漫卷詩書喜欲狂。白日放歌須縱酒。青春作伴

好還鄉。即從巴峽穿巫峽。便下襄陽向洛陽。 余田園在東京

寶應元年十一月官軍破賊于洛陽進收東都河南平朝義走河北李懷仙斬其首以獻河北平此詩公在劍外聞捷書而作也

涪江泛舟送韋班歸京 得山

追餞同舟日。傷春一水間。飄零為客久。衰老羨君

還。花遠二云雜重重樹。雲輕處處山。天涯故人少。更益一作憶

鬢毛斑。

春日梓州登樓二首

行路難如此。登樓望欲迷。身無却少壯。跡有但舊作羈

栖。江水流城郭。春風入鼓鞞。雙雙新燕子。依舊已銜

泥

天畔登樓眼隨春二云入故園戰場今始定移晉作柳更

能存厭蜀交遊冷思吳勝事繁應須理舟楫長嘯下

荆門

荆門寰宇記荆門本漢舊地荆襄之要津

鄴城西原送李判官兄武判官弟赴成都府

憑高送所親久坐惜芳辰遠水非無浪他山自有春

野花隨處發官一作妖柳著行新天際傷愁別離筵何太

頻

鄴城寰宇記梓州今理鄴縣

泛江送魏十八倉曹還京因寄岑中允參范郎

中季明

遲日深春江云水輕舟送別筵帝鄉愁緒外春色淚痕

邊見酒須相憶將詩莫浪傳若逢岑與范為報各衰

年

莫浪傳朝野僉載咸亨中謠曰莫浪傳阿婆顛

送路六侍御入朝

童稚情親四二云十年中間消息兩茫然更為後會知

何地忽漫相逢是別筵草堂本作憤不分桃花紅勝錦生憎

柳絮白於一作如綿劍南春色還無賴觸忤愁人到酒邊

桃花寰宇記桃花溪在鄴縣三十里南流入射洪縣輿地紀勝桃花水在射洪縣東北合涪江

泛江送客

二月頻送客東津江欲平烟花山際重舟楫浪前輕
淚逐勸盃下一作落愁連吹笛生離筵不隔日那得易為
情

東津

打魚歌綿州江水之東津輿地紀勝在郫縣東四里渡涪江水

上牛頭寺

青山意不盡袞袞上牛頭無復能拘礙真成浪出遊
花濃春寺靜竹細野池幽何處鶯啼切移時獨未休

牛頭山

寰宇記牛頭山在郫縣西南二里高一里形似牛頭四面孤絕俯臨州郭下有長樂寺樓閣烟花為一方勝槩圖經云山上無

禽鳥棲集而杜詩有鶯啼之句則圖經誤也

望牛頭寺

牛頭見鶴林梯逕繞幽深一云秀麗春色浮一作流山外天

河宿蔡沒殿陰傳燈無白日布地有黃金休作狂歌老

迴看不住心

上兜率寺

兜率知名寺真如會法堂江山有巴蜀棟宇自齊梁
庾信哀雖久何顛好不忘白牛車遠近且欲上慈航

兜率寺

兜率寺前瞰郡城拱揖如畫侯圭東山觀音寺記云梓州浮圖大小有十二慧義居其北兜率當其南牛頭據其西觀音距其

東輿地紀勝兜率閣在南山

何顛

何顛當作周顛傳寫之悞詳見前注

慈航

清涼禪師序般若經般若者苦海之慈航

望兜率寺

樹密當山徑江深隔寺門霏霏雲氣重一云動閃閃浪花
翻不復知天大空餘見佛尊時應清盥一云罷隨喜給
孤園

其園

春日清江岸。千其二頃園。青雲羞一作葉密。白雪避花繁。結子隨邊使。開筒近至尊。後於桃李熟。終得獻金門。

金門

太真外傳開元末江陵進乳柑橘上以十枚種於蓬萊宮天寶十載秋結實宜賜宰臣

數陪李梓州泛江有女樂在諸舫戲為艷曲二

首贈李

草堂作章諸方輿勝覽作渚

上客迴空騎。佳人滿近船。江清歌扇底。野曠舞衣前。玉袖凌風並。金壺隱浪偏。競將明媚色。偷眼艷陽天。
年一云白日移歌袖。清霄近笛牀。翠眉縈度曲。雲鬢儼分行。

立馬千山暮。迴舟一水香。使君自有婦。莫學野鴛鴦。

度曲

一音大各反一音徒故反俱見漢書注師古曰應荀二說皆是

鴛鴦

古樂府歌曰湖中百種鳥半雌半是雄鴛鴦逐野鶴

恐畏不成雙

登牛頭山亭子

路出雙林外。亭窺萬井中。江城孤照日。山一作谷遠含風。兵革身將老。關河信不通。猶殘數行淚。忍對百花叢。

陪李梓州王閬州蘇遂州李果州四使君登惠

義寺

春日無人境。虛空不住天。鶯花隨世界。樓閣寄一作山巔。遲暮身何得。登臨意惘然。誰能解金印。瀟洒共

安禪

一云三車將五馬若龜合安禪

送何侍御歸朝

李梓州泛舟筵上作

舟楫諸侯餞車輿使者歸山花相映發水鳥自孤飛
春日垂霜鬢天隅把繡衣故人從此去二云寥落寸心
違

江亭送眉州辛別駕昇之

得蕪字

柳影含雲幕二云江波近酒壺異方驚會面終宴惜征
途沙晚低風蝶天晴喜浴鳧別離傷老大意緒日荒
蕪

涪城縣香積寺官閣

寺下春江深不流山腰官閣迴添愁含風翠壁孤雲

細背日丹楓萬木稠小院迴廊春一作清寂寂浴鳧飛鷺

晚悠悠諸天合在藤蘿外昏黑應須到上頭

香積寺

寰宇記香積山在涪城縣東南三里北枕涪江

戲題寄上漢中王三首

時王在梓州初至斷酒不飲篇有戲述

西漢親王子成都老客星百年雙白鬢一別五秋一作飛

螢忍斷盃中物王作眠看座右銘不能隨阜蓋自醉逐

浮萍

漢中王

舊書瑀讓皇帝第六子早有才望偉儀表初封隴西郡公從明皇幸蜀至漢中因封漢中王仍加銀青光祿大夫漢中郡太守

新書肅宗詔收羣臣馬瑀持不可貶蓬州長史郭湜高力士傳李輔國繆承恩寵竊弄威權不死則流動逾千計黔中道此一邑尤多一郡王瑀是也一開府力士是也鶴曰不能隨阜蓋又云

剖符來蜀道當是蓬州刺史史云長史誤也

策杖時能出王門異昔遊已知嗟不起未許醉相留

蜀酒濃無敵江魚美可求終思一酪酏淨掃雁池頭

蜀酒水經注魚復尉戍此江之左岸有巴鄉村人善釀故俗稱巴鄉清郡出美酒雁池西京雜記梁孝王築苑園有雁池

池間有鶴洲見渚

羣盜無歸路衰顏會遠方尚憐詩警策猶記一作憶酒顛

狂魯衛彌尊重徐陳畧喪亡空餘枚一作故叟在應念早升堂

魯衛開元十四年十一月巳丑幸寧王憲宅與諸王宴探韻賦詩曰魯衛情先重親賢尚轉多瑀為寧王之子故曰魯衛彌尊重用明皇

詩語徐陳魏文帝與吳質書昔年疾疫親故多罹其災徐陳應劉一時俱逝也

陪章留後侍御宴南樓得風字

絕域長夏晚茲樓清宴同朝廷燒棧北鼓角滿一作漏天

東屢食將軍第二云仍騎二云御史驄本無丹竈術一作訣那

免白頭翁寇盜狂歌外形骸痛飲中野雲低渡水簷

雨細隨風出號江城黑題詩蠟炬一作燭紅此身醒復醉

不擬哭途窮

棧北廣德二年吐蕃入大震關漏天梁益州記大小漏天在雅州朱晦菴云當作漏天愚謂仍作滿字為是丹竈

別賦守丹竈而不顧

臺上得涼字

改席臺能迴留門月復光雲行一作霄遺暑濕山谷進風

涼老去一杯足誰憐屢舞長何須把官燭似惱鬢毛

蒼

送王十五判官扶侍還黔中得開字

大家東征逐子迴風生洲渚錦帆開青青竹笋迎船

出日日一云江魚入饌來離別不堪無限意艱危深仗

濟時才黔陽信使應稀少莫怪頻頻一作頻頻勸酒盃

大家東征賦惟永初之有七兮余隨子乎東征大家集曰子穀為陳留長大家隨至官作東征賦竹筍孟宗事見楚國先賢

傳江魚東觀漢記姜詩與婦傭作養母俄而涌泉出于舍側味如江水井旦出雙鯉魚吳曾漫錄作日日韓子蒼作白白後漢列女傳

姜詩母嗜魚鱸每旦輒出雙鯉常以供母膳曰每旦則以日日為是

倦夜

竹涼侵卧内野月滿一作編庭隅重露成涓滴稀星乍有

無暗飛螢自照水宿鳥相呼萬事干戈裏空悲清夜

徂

吳曾漫錄顧陶類編題云倦秋夜三聯云飛螢自照水宿鳥競相呼

悲秋

涼風動萬里羣盜尚縱橫家遠傳書日秋來為客情
愁窺高鳥過老逐衆人行始欲投三峽何由見兩京

對雨

莽莽天涯雨江邊獨立時不愁巴道路恐濕漢旌旗
雪嶺防秋急繩橋戰勝遲西戎甥舅禮未敢背恩私

雪嶺鶴曰高適出西山三城置戍即雪嶺也

警急時高公適領西川節度

才名舊楚將妙畧擁兵機玉壘雖傳檄松州會解圍
和親知拙計公主漫無歸青海今誰得西戎實飽飛

至德二載永王璘反適因陳江東利害永王必敗上奇其對以適為揚州左都督府長史淮南節度使故云舊楚將舊書代宗即位吐蕃陷隴右漸逼京畿適練兵于蜀臨吐蕃南境以牽制之師出無功而松維等州尋為蕃兵所陷以黃門侍郎嚴武代還此詩松州未陷時作也

王命

漢一云漢北豺狼滿巴西道路難血埋諸將甲骨斷使臣

一云君鞍牢落新燒棧蒼茫舊築壇深懷喻蜀意慟哭望

王官一云京

使臣廣德元年李之芳等使吐蕃被留二年方得歸築壇舊注以為指郭子儀余謂指嚴武也武入朝而吐蕃陷河西隴右又

圍松州蜀人思得武以代適也

征夫

十室幾人在千山空自多路衢唯見哭城市不聞歌

漂梗無安地銜枚有荷戈官軍未通蜀吾道竟如何

有感五首

將帥蒙恩澤兵戈有歲年至今勞聖主何以報皇天

白骨新交戰雲臺舊拓邊乘槎斷消息無處覓張騫

拓邊唐自武德以來開拓邊境地連西域皆置都督府州縣開元中置朔方等處節度使以統之祿山反後數年間西北數十州相繼淪

沒盡取河西隴右之地自鳳翔以西邠州以北皆為左衽矣張騫李之芳被留次年始放還故云

幽薊餘虵樊作封豕乾坤尚虎狼諸侯春不貢使者日相

望慎勿吞青海無勞問越裳大君先息戰歸馬華山

陽

箋曰是時史朝義下諸降將奄有幽魏之地驕恣不貢代宗懦弱不能致討此詩云慎勿吞青海無勞問越裳安有節鎮之近不修職貢而顧能從事遠略者乎蓋歎之也息戰歸馬謂其不復能用兵而婉詞以譏之也李翱云唐子孫不能以天下取河北正此意也舊注謂戒人主生事外爨可謂愚矣

洛下舟車入天中貢賦均日聞紅粟腐寒待翠華春莫取金湯固長令宇宙新不過行儉德盜賊本王臣

箋曰自吐蕃入寇車駕東幸天下皆咎程元振又以子儀新立功不欲天子還京勸帝且都洛陽以避蕃寇代宗然之子儀因兵部侍郎張重光宣慰迴附章論奏代宗省表垂涕亟還京師其略曰東周之地久陷賊中宮室焚燒十不存一矧其土地狹阨纔數百里間東有成臯南有二室險不足恃適為戰場明明天子躬儉節用苟能黜素食之吏去冗食之官抑豎刁易牙之權任邊緩史鱸之直則黎元自理盜賊自平中興之功旬月可與公詩云莫取金湯固長令宇宙新不過行

丹桂風霜急青梧日夜凋由來強幹地未有不臣朝

受鉞親賢往卑宮制詔遙終依古封建豈獨聽蕭韶

丹桂 漢成帝時諱桂樹華不實黃 青梧 上官儀册殷王文慶表栽梧德成觀梓 受鉞

乾元二年史思明僭號于河北李光弼請以親賢統師以趙王係為兵馬元帥詔曰靖難平兇必資于金革總戎授律實仗于親賢次年四月以親王遙統兵柄寶應元年代宗即位十月以雍王适為天下兵馬元帥

箋曰初房瑄建分鎮討賊之議詔曰令元子北略朔方命諸王分守重鎮詔下遠近相慶咸思效忠于興復祿山撫膺曰吾不得天下矣肅宗即位惡瑄貶之用其請子統帥然皆不出京師遙制而已宗藩削弱藩鎮不臣公追歎朝廷不用瑄議失強幹弱枝之義而有事則倉卒以親賢授鉞也

丹桂言王室青梧言宗藩也卑宮制詔即天寶十五載七月丁卯制置天下之詔也謂其分封諸王如禹之與子故以卑宮言之壯遊詩禹功亦命子此其証也落句言不依古封建而欲坐聽蕭韶不可得也公之冒死救瑄豈獨以交友之故哉

盜 一作 滅人還亂兵殘將自疑登壇名絕假報主 一作 爾

何遲領郡輒無色之官皆有詞願聞哀痛詔端拱問

瘡痍

箋曰李肇國史補開元以前有事于外則命使臣否則止自置入節度十採訪始有坐而為使其後名號益廣大抵生于置兵盛于專利普于銜命於是為使則重為官則輕故天寶末佩印有至四十者大曆中請俸有至千貫者宦官內外悉屬之使舊為權臣所管州縣所理今屬中人者有之此詩云登壇名絕假謂諸將兼官太多所謂坐而為使也領郡輒無色州郡皆權臣所管不能自達故曰無色也之官皆有詞所謂為使則重為官則輕也送陵州路使君詩云王室比多難高官皆武臣與此正相發明東坡謂唐郡縣多不得人由重內輕外者此天寶以前事以言乎廣德之時則迂矣

送元二適江左

亂後今相見。秋深復遠行。風塵爲客日。江海送君情。
晉室丹陽尹。公孫白帝城。經過自愛惜。取次莫論兵。

元常應孫
吳科舉

元結

劉會孟本題下公自注元結也考顏魯公墓碑及次山集代宗時以著作郎退居樊上起家爲道州刺史未嘗至蜀亦未嘗至江左

丹陽尹

元

次山春陵行及廣德二年道州上謝表時月皆可據所謂元二者必非結也宋刻善本無此六字明是後人妄益耳

白帝城

郡國志公孫述至魚復有白龍出井中因號魚復爲白帝城寰宇記

章梓州水亭

時漢中王兼道士席謙在會同用荷字韻

城晚通雲霧。亭深到芰荷。吏人橋外少。秋水席邊多。

近屬淮王至。高門薊子過。荊州愛山簡。吾醉亦長歌。

薊子

後漢方術傳薊子訓既到京師公卿以下候之者坐上恒數百人

翫月呈漢中王

夜深露氣清。江月滿江城。浮一作游客轉危坐。歸舟應獨行。關山同一照。烏鵲自多驚。欲得淮王術。風吹暈已生。

淮王

淮南子畫隨灰而月暈闕許慎注曰有軍士相圍守則月暈以盧灰環闕其一面則月暈亦闕于上周王褒關山月詩天寒光轉白風多暈欲生庾肩吾望月詩圓隨漢東蚌暈逐淮南灰

戲作寄上漢中王二首

王新誕明珠

雲裏不聞雙雁過。掌中貪見一珠新。秋風嫋嫋吹江漢。只在他鄉何處人。

謝安舟楫風還起，梁苑池臺雪欲飛。杏杏東山携漢妓，泠泠修竹待王歸。

池臺

水經注：睢陽城故宮東，即梁王之吹臺也。基陛階礎尚在。鈞臺池東又有一臺，世謂之清泠臺。北城憑隅，又結一池。臺晉灼曰：或說

平臺在城中東北角，亦修竹。水經注：睢水又東南流，歷于竹園。水次綠，或言兔園在平臺側。

投簡梓州幕府兼簡韋十郎官

幕下郎官安穩無從來，不奉一行書。固知貧病人須棄，能使韋郎跡也疎。

登高

風急天高猿嘯哀，渚清沙白鳥飛迴。無邊落木蕭蕭下，不盡長江衮衮來。萬里悲秋常作客，百年多病獨登臺。艱難苦恨繁霜鬢，潦倒新停濁酒盃。

九日

去年登高鄴縣北，今日重在涪江濱。苦遭白髮不相放，羞見黃花無數新。世亂鬱鬱久爲客，路難悠悠常傍人。酒闌却憶十年事，腸斷驪山清路塵。

遣憤

聞道花門將論功，未盡歸自從收帝里。誰復總戎機一云軍，蜂蠆終懷毒。雷霆可振威，莫令鞭血地。再濕漢臣衣。

箋曰：回紇既助順，收河北以賊平，恣行暴掠，代宗册命可汗復論功封左

右殺都督以下尋爲僕，固懷恩所誘，與吐蕃合兵入寇。此詩蓋深憂之也。初，雍王見回紇可汗于黃河北，責雍王不于帳前舞蹈，車鼻遂引藥子昂。李進章少華、魏琚各榜筆一百少華，琚一宿而死。漢臣鞭血正記此事也。

章梓州一云使君橘亭餞成都竇少尹得涼字

秋日野亭干橘香。玉盃錦席高雲涼。主人送客何所
作音行酒賦詩殊未央。衰老應為難離去聲別一云難為
賢聲此去有輝光。預傳籍籍新京尹一作青史無勞數
一作趙張缺

送陵州路使君赴任

王室比荆作多難。高官皆武臣。幽燕通使者。岳牧用詞
人。國待賢良急。君當拔擢新。佩刀成氣象。行蓋出風
塵。戰伐乾坤破。瘡痍府庫貧。眾寮宜潔白。萬役但平
均。一云萬物霄漢瞻佳士。樊作泥途任此身。秋天正搖落

迴首大江濱

陵州

寰宇記屬劔南東道漢犍為郡之武陽縣東境屬益州部周閔帝置陵州因陵井為名

武臣

房琯傳邠州久屯軍旅多

以武將兼領刺史法度隳廢州縣解字並為軍營官吏侵奪百姓室屋以居人甚弊之

薄暮

江水長流一云最深地。山雲薄暮時。寒花隱亂草。宿鳥擇一云探
深枝。舊國見何日。高秋心苦悲。人生不再好。鬢髮白
一作成絲自

西山三首

夔界荒山頂。蕃州積雪邊。築城依一作連白帝。轉粟上青
天。蜀將分旗鼓。羌兵助一作動井泉。一作西南背和好。殺氣
日相纏。

西山

寰宇記王羲之與謝安書曰岷山夏含霜雪校之所聞崑崙之仲也華陽國志岷山一曰汶焦山岷嶺之最高者遇大雪開泮望見成都元和郡國志岷山即汶山也南去青城石山百里天色晴明望見成都山嶺停雪常深百丈夏月融泮江川為之洪溢即隴之南首也圖經云岷山

巉絕崛起立實捍阻羌彝全蜀倚為巨屏熙寧置永康軍詔云正控西山六州軍隘口又圖經云雪山在維州保寧縣西南連乳州白苟嶺九域志云山有九峰上有蕃州高適疏云今所界吐蕃城堡不過平戎以西數城積雪冬夏不消坐甲于無人之鄉李宗諤圖經維州南界江城岷山連嶺而西不知其極北望高山積雪如玉東望成都若井底一面孤峰三面臨江是西蜀控吐蕃之要衝

蕃之要衝

辛苦三城戍長防萬里秋煙塵侵火井雨雪閉松州

風動將軍幕二云蓋天寒使者裘漫平聲山賊營壘一云成壁壘迴

首得無憂

廣德元年吐蕃陷松維保三城及雲山新築二城高適不能救於是劍南西山諸州亦入于吐蕃

子弟猶深入關城未解圍蠶崖鐵馬瘦灌口米船稀

辯士安邊策元戎決勝威今朝烏鵲喜欲報凱歌歸

蠶崖寰宇記蠶崖關在導江縣西北四十七里方輿勝覽在縣西五十里以鎮西山之走集灌口寰宇記灌口鎮在導江縣

西六十里方輿勝覽淳熙五年胡元質奏曰唐之季年吐蕃入寇必入黎文南詔入寇必入沈黎吐蕃南詔合入寇必出灌口沈黎兩州去成都尚千里關隘險阻足以限隔惟灌口一路去成都止百里又皆平陸朝發夕至威茂兩州即灌口之蔽障

薄遊

浙浙一云新斬風生砌團團口隱牆遙二云滿空秋雁滅二云過半嶺

暮雲長二云張病葉多先墜寒花只暫香巴城添淚一作月眼

今夜復清光

贈韋贊善別

扶病送君發自憐猶不歸祗應盡客淚復作掩荆扉

江漢故人少音書從此稀往還二十載歲晚寸心違

送李卿擘

王子思歸日長安已亂兵霑衣問行在走馬向承明

暮景巴蜀僻春風江漢清晉山雖自棄魏闕尚含情

廣德元年十月吐蕃入寇車駕幸陝李曄顏真卿集顏允南神道碑潼關陷輿駕幸蜀朝官多出駱谷至興道房琯李曄高適等數十人盡在世系表曄終刑部侍郎晉山水經袁崧郡國志曰界休縣有介山有綿上聚子推廟公自以不與靈武之賞每以子推自喻也

絕句

江邊踏青罷迴首見旌旗風起春城暮高樓鼓角悲

踏青

李綽歲時記上巳錫宴曲江都人于江頭禊飲踐踏青草曰踏青劉禹錫竹枝詞昭君坊中多女伴永安宮外踏青來

城上

荆作空城

草滿巴西綠空城

山谷作城空

白日長風吹花片片春動

一作蕩

水一云春送雨

茫茫八駿隨天子羣臣從武皇遙聞出巡守

早晚徧遐荒

舍弟占歸草堂檢校聊示此詩

久客應吾道相隨獨爾來孰知江路近頻為草堂迴
鵝鴨宜長數柴荆莫浪開東林竹影薄臘月更須栽

杜工部集卷之十二

休寧縣朱名鼎石鐘氏校

杜工部集卷之十三

虞山蒙叟錢謙益箋註

近體詩九十六首

居閬州及再至成都作

傷春五首

天下兵雖滿春光一作青春日自濃西京疲百戰北闕任羣
 兇關塞三千里煙花一萬重蒙塵清露急御宿且一作有
 誰供殷復前王道周遷舊國容蓬萊足雲氣應合總
 從龍

廣德元年吐蕃陷京師車駕至華州官吏奔散無復供擬扈從并士不免饑餒乃幸魚朝恩營

鶯入新年語花開滿故枝天青風捲幔草碧水通池
 牢落官軍速蕭條萬事危鬢毛元自白淚點向來垂

不是無兄弟其如有別離巴山春色靜北望轉逶迤

日月還相鬪星辰屢合一一作亦屢圍不成誅執法焉得變危

機大角纏兵氣鈎陳出帝畿煙塵昏御道耆舊把天

衣一云固無牽白馬幾至著青衣行在諸軍闕來朝大將稀賢多隱屠鈎

王肯載同歸

執法史記天官書南宮衛太微三光之廷匡衛十二星藩臣西將東相南四星執法月五星順入軌道司其出所守天子所誅也晉志左執法

廷尉之象右執法御史大夫之象廣雅曰榮惑謂之罰星或謂之執法舊書程元振傳吐蕃党項入犯京畿下詔徵兵諸道卒無至者蕃軍至便橋代宗

蒼黃出幸陝州及至行在太常博士柳伉上疏切諫誅元振以謝天下代宗罷元振官放歸田里大角天官書房南眾星

角將大角者天王帝廷鈎陳星經鈎陳大星為六宮亦主六軍晉志鈎陳後宮也

再有朝廷亂難知消息真近傳王在洛復道使歸一作通

秦奪馬悲公主登車泣貴嬪蕭關迷北上滄海欲東

巡敢料安危體猶多老大臣豈一作得無嵇紹血露灑屬

車塵

奪馬舊書肅宗女和政公主下嫁柳潭安祿山陷京師寧國公主發居主棄三子奪潭馬以載寧國身與潭步日百里顏魯公和政公主神道

碑廣德元年冬上既東幸主志期扈蹕迴兵充斥咫尺不通因至荆南尉薦諸將蕭關武紀元封四年行幸雍祠關如淳曰蕭關在安定朝那縣

聞說初東幸孤兒却走多難分太倉粟競棄魯陽戈

登前殿王公出御河得無一作忍為中夜舞誰一作宜憶大

風歌春色生烽燧幽人泣薜蘿君臣重脩德猶足見

時和

送梓州李使君之任故陳拾遺射洪人也篇末有云

籍甚黃丞相能各自潁川近看除刺史還喜得吾賢

上集卷十三

五馬何時到雙魚會早傳老思筇竹杖一云筇杖拄冬要錦
衾眠不作臨岐恨唯聽舉最先火雲揮汗日山驛醒
心泉遇害陳公殞于今蜀道憐君行射洪縣為我一
潜然

陳公

舊書子昂父在鄉為縣令段簡所辱子昂聞之遽還鄉里簡乃因事收繫獄中憂憤而卒雲溪友議或謂章仇大夫兼瓊為陳拾遺雪獄

高適侍御與王江寧昌齡申冤當時用為義士也

王閬州筵奉酬十一舅惜別之作

萬壑樹聲滿千崖秋氣高浮舟一作雲出郡郭別酒寄江
濤良會不復久此生何太勞窮愁但一云有骨羣盜尚
如毛吾舅惜分手使君寒贈袍沙頭暮黃鵠失侶自
一作哀號

放船

送客蒼溪縣山寒雨不開直愁騎馬滑故作泛舟迴
青惜峰巒過黃知橘柚來江流大一作天自在坐穩興悠
哉

寰宇志閬州蒼溪縣因縣界蒼溪谷為名嘉陵江在縣東一里東南流

奉待嚴大夫

殊方又喜故人來重鎮還須濟世才常怪偏裨終日
待不知旌節隔年迴欲辭巴徼啼鴛合遠下荆門去
鷁催身老時危思會面一生襟一作懷抱向誰開

廣德二年正月武以黃門侍郎拜成都尹充劍南節度使此云大夫再鎮時兼官也以後稱鄭公

奉寄高常侍

一云寄高三五大夫

汶上相逢年頗多。飛騰無那故人何。總戎楚蜀應全
未方駕。二云曹劉不啻過。今日朝廷須汲黯。中原將帥
憶廉頗。天涯春色催遲暮。別淚遙添錦水波。

代宗以嚴武代適召還為刑部侍郎轉散騎常侍適善言王霸大略務功名尚節義逢時多難以安危為己任故以汲黯許之

奉寄章十侍御

時初罷梓州刺史東川留後將赴朝廷

淮海維揚一俊人。金章紫綬照青春。指麾能事迴天
地。訓練強兵動鬼神。湘西不得歸關羽。河內猶宜借
寇恂。朝覲從容問幽仄。勿云江漢有一一作老垂綸。

舊書梓州刺史章夔初為武判官及是小不副意赴成都杖殺之國史補武與章夔素善再入蜀談笑殺之雲溪友議刺史章夔因小瑕武遂棒殺後為夔外家報怨嚴氏遂微焉按此詩武再鎮蜀夔已入覲矣豈及其未行而殺之耶新書并載欲殺甫之事尤為失實湘西此暗指來瑱鎮襄陽猶羽之專有荆土以程元振搆陷而死故曰不得歸關羽婉詞以寫之也瑱徙淮西諷將吏留已若河內自請借寇則常聽之故曰猶宜借寇

也恂

將赴荆南寄別李劔州

使君高義驅今古。寥落三年坐劔州。但見文翁能化
俗。一作蜀焉知李廣未封侯。路經灩澦雙蓬鬢。天入滄浪
一釣舟。戎馬相逢更何日。春風迴首仲宣樓。

仲宣樓

盛弘之荊州記當陽縣城樓王仲宣登之而作賦

奉寄別馬巴州

時甫除京兆功曹在東川

勳業終一作真

歸馬伏波功。曹非一云無

復漢蕭何

甫曾任華州司功

扁舟

繫纜沙邊久。南國浮雲水上多。獨把魚竿終遠去。難

隨鳥

樊作鳥

翼一相過。知君未愛春湖色。典在驪駒白玉

珂

功曹

西溪叢語劉貢父據曹參未嘗為功曹以此詩為誤按史記蕭何為沛主吏椽注曰主吏功曹也杜未嘗誤吳志孫策謂虞翻曰孤有征討事未得還府卿復以功曹為吾蕭何守會稽耳舊書久之召補京兆府功曹嚴武鎮成都奏為節度參謀

泛江

方舟不用楫極目撻無波長日容盃酒深江淨綺羅
亂離還奏樂飄泊且聽歌故國流清渭如今花正多

陪王使君晦日泛江就黃家亭子二首

山豁何時斷江平不肯流稍知花改岸始驗鳥隨舟
結束多紅粉歡娛恨白頭非君愛人客晦日更添

愁

有逕金沙軟無人碧草芳野畦連蛺蝶江檻俯鴛鴦
日晚煙花亂風生錦繡香不須吹急管衰老易悲傷

南征

春岸桃花水雲帆楓樹林偷生長避地適遠更霑襟
老病南征日君恩北望心百年歌自苦未見有知音

久客

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正一作亂縱橫

春遠

肅肅花絮晚菲菲紅素輕日長唯鳥雀春遠獨柴荆
數有關中亂何曾劔外清一作園歸不得地入亞夫營

亞夫營

後漢志長安有細柳聚周亞夫所屯處長安志細柳倉在咸陽縣西南三十里如淳曰細柳倉在渭北近石徹張揖曰在昆明池南今有柳市是也師古曰匈奴傳云置三將軍軍長安西細柳渭北棘門霸上則此細柳不在渭北楫說是也三輔故事曰今石徹是也石徹西有細柳倉樊噲傳柳中即細柳地也在長安西

暮寒

霧隱平郊樹風含廣岸波沈沈春色靜慘慘暮寒多
戍鼓猶長擊林鷺遂不歌忽思高宴會朱袖拂雲和

雙鷺

旅食驚雙鷺

一作雙飛鷺

銜泥入此堂應同避燥濕且復過

一作

炎涼養子風塵際來時道路長今秋天地在吾亦

離殊方

百舌

百舌來何處重重抵報春知音兼眾語整翮豈多身

花密藏難見

一云難相見

枝高聽轉新過時如發口君側有

讒人

過時

汲冢周書時訓解芒種之日螿螂生又五日鶡始鳴又五日反舌無聲螿螂不生是謂陰息鶡不始鳴今好壅偏反舌有聲佞人在側

地隅

蕪江漢山重阻風雲地一隅年年非故物處處是窮途
喪亂秦公子悲涼一云秋楚大夫平生心已折行路日荒

秦公子

謝靈運擬鄴中詩王粲家本秦川貴公子遭亂流寓自傷情多

游子

巴蜀愁誰語吳門興杳然九江春草外三峽暮帆前

厭就成都卜。休爲吏部眠。蓬萊如可到。衰白問羣仙。

蓬萊 哀江南賦風颺道阻蓬萊無可到之期舟楫路窮星漢非乘槎可上

歸夢

道路時通塞。江山日寂寥。偷生唯一老。伐叛已三朝。雨急青楓暮。雲深黑水遙。夢歸歸未得。不用楚辭招。

辭招

黑水

禹貢華陽黑水惟梁州傳曰東據華山之南西距黑水又曰黑水自北而南經三危過梁州入南海疏曰滇池縣有黑水祠水經注黑水出張掖雜山南流至燉煌過三危山南流入于南海寰宇記嶺州越嶲縣有黑水杜詩雲深黑水遙是也

江亭王閬州筵餞蕭遂州

離亭非舊國。春色是他鄉。老畏歌聲斷。愁隨舞曲長。二天開寵餞。五馬爛生輝。光川路風煙接。俱

宜 二云看 下鳳皇

絕句二首

遲日江山麗。春風花草香。泥融飛鷺子。沙暖睡鴛鴦。江碧鳥逾白。山青花欲燃。今春看又過。何日是歸年。

滕王亭子

在玉臺觀內王調露年中任閬州刺史

君王臺榭枕巴山。萬丈丹梯尚可攀。春日鶯啼修竹裏。仙家犬吠白雲間。清江錦石傷心麗。嫩蘂濃花滿目班。人到于今歌出牧。來遊此地不知還。

滕王

元嬰高祖第二十二子都督洪州數犯憲章徙授隆州刺史方輿勝覽滕王以隆州衙宇卑陋遂脩餽宏大之擬于宮苑謂之隆苑後以

明皇諱改曰閬苑滕王亭即元嬰所建在玉臺觀成都楊慎以爲嗣滕王湛然誤也 修竹 枚乘苑園賦修竹檀欒夾池水孫綽蘭亭詩啼鶯吟

修犬吠

論衡傳言淮南王得道畜產皆仙犬吠天上雞鳴雲中

玉臺觀 滕王造

中天積翠玉臺虛遥上帝高居絳節朝遂有馮夷來

擊鼓始知羸女善吹簫江光隱見鼉鼉窟石勢參差

一云烏鵲橋更肯有紅顏生羽翼吳作便應黃髮老漁樵

玉臺觀 方輿勝覽在閩州北七里中天 新序魏襄王將起中天臺 玉臺 漢郊祀

唐滕王嘗遊有亭及墓 馮夷 洛神賦馮夷鳴鼓女媧清歌 吹簫 列仙傳拾遺簫史善吹簫日教弄玉作鳳

鳴居數年吹簫似鳳聲鳳皇來止其屋公為作鳳臺 鼉鼉 海賦或屑没于鼉鼉之穴

滕王亭子

寂寞春山路君王不復行古牆猶竹色虛閣自松聲

鳥雀荒村暮雲霞過客情尚思歌吹入千騎把霓旌

千騎 梁孝王傳賜天子旌旗千乘萬騎

玉臺觀 滕王造

浩劫因王造起平臺訪古遊綵雲蕭史駐文字魯恭

留宮闕通羣帝乾坤到十洲人傳有笙鶴時過此北

山頭

渡江

春江不可一作渡二月已風濤舟楫欹斜疾一作魚龍偃

卧高渚花兼陳作素錦汀草亂青袍戲問垂綸客悠悠

見一作汝曹 是

喜雨

南國早一云無雨今朝江出雲入空纔漠漠灑迴已紛

紛巢鷺高飛盡林花潤色分晚來聲不絕應得夜深

聞

送韋郎司直歸成都

竄身來蜀地同病得韋郎天下干一作兵戈滿江邊歲月

長別筵花欲暮春日鬢俱蒼一云春鬢為問南溪竹一云

抽梢合過牆成都西郭

將赴成都草堂途中有作先寄嚴鄭公五首

得歸茅屋赴成都直一云真為文翁再剖符但使閭閻還

揖讓敢論松竹久荒蕪魚知丙穴由來美酒憶郫筒

不用酤五馬舊曾諳小徑幾回書札待潛夫

丙穴蜀都賦嘉魚出於丙穴劉淵林注丙穴在漢中沔陽縣有魚穴二所常以三月取之丙地名也水經注褒水又東南得丙水口水上承丙

穴穴出嘉魚常以三月出十月入地穴口廣五六尺去平地七八尺泉懸注魚自穴下透入水穴口向丙故曰丙穴下注褒水周地圖記興州有丙山山

有穴即丙穴其口向丙因以為名寰宇記大丙山小丙山在興州順政縣東南七十里其山峻崖南北相對濶七步其崖峻峭高百丈山衣石髮被於際北有穴方圓二丈餘其穴有水潛流土人相傳為丙穴沮水經穴門而過或謂之大丙水每春三月上旬復有魚長七八寸或二三寸連綿從穴出躍相傳名郫筒成都記成都府西五十里因水標名曰郫縣以竹筒盛美酒為嘉魚號曰郫筒華陽風俗錄郫縣有郫筒池池旁有大竹郡人劉其節傾春釀於筒苞以藕絲蔽以蕉葉信宿馨達於林外然後斷之以獻俗號郫筒酒李商隱詩錦石為碁子郫筒當酒壺是也

處處青江帶白蘋故園猶得見殘春雪山斥候無兵

馬錦里逢迎有主人休怪兒童延俗客不教鵝鴨惱

比鄰習池未覺風流盡况復荊州賞更新

白蘋蘋大萍花白者季春始生

竹寒沙碧浣花溪菱一作刺藤梢咫尺迷過客徑須愁

出入居人不自解東西書籤藥裹封蛛網野店山橋

送馬蹄豈一作藉荒庭春草一作新月色先判一飲醉如泥

常苦沙崩損藥欄也從江檻落風湍新松恨不高一作長

千尺惡竹應須斬萬竿生理祇憑黃閣老衰顏一作客欲

付一作赴紫金丹三年奔走空皮骨信有人間行路難

錦官一作館城西生事微一作錦官生事城西微烏皮几在還思歸昔去

為憂亂兵入今來已恐鄰人非側身天地更懷古迴

首風塵甘息機共說總戎雲鳥陣不妨遊子芰荷衣

別房太尉墓閬州

他鄉復行役駐馬別孤墳近淚無乾土一云空山有斷

雲對碁陪謝傳把劍覓徐君唯見林花落鸞啼送客

聞

房太尉瑄以乾元元年貶鄂州刺史上元元年為漢州刺史寶應三年拜刑部尚書在路遇疾廣德元年八月卒於閬州僧舍新書載

瑄卒在寶應二年與舊書異按杜祭房公文廣德元年九月而西陽雜俎記瑄舍閬州紫極宮見治龜茲版憶邢和璞言終身事皆與舊書合知新書誤

也國史補宰相自張曲江之後稱房太尉李梁公為重德又云開元以後不以姓而可稱者燕公曲江太尉魯公不以名而可稱者宋開府陸宣公王右丞房太尉困學紀聞司空圖房太尉詩曰物望傾心久何渠破膽頻注謂祿山初見分鎮詔書撫膺歎曰吾不得天下矣瑄建議遣諸王為都統節度而

賀蘭進明讒於肅宗晉以瑄立江左宋以康王建中興以表聖之言觀之瑄可謂善謀矣對碁瑄為宰相聽董庭蘭

尉西池詩注房公以好碁聞於海內公此詩以謝傳圍碁為比蓋為房公把解嘲也劉禹錫和德裕房公舊竹亭聞碁云尚有竹間露永無碁下塵把

自閬州領妻子却赴蜀山行三首

汨汨一作揖揖又作泥泥言蟄避羣盜悠悠經十年不成向南國復作

遊西川物役水虛照魂傷山寂然我生無倚着盡室

畏途邊

長林偃風色迴復一云首意猶迷衫裛翠微潤馬銜青草

嘶棧一云懸斜避石橋斷却尋溪何日干一作戈盡飄飄

愧老妻

行色遞隱見人煙時有無僕夫穿竹語稚子入雲呼

轉石驚魑魅抨弓落狄鼯真供一笑樂似欲慰窮途

一笑射雉賦昔賈氏之如
臯始解顏于一箭前

山館草堂本作移
居公安山館

南國晝多霧北風天正寒路危行木杪身遠樊作宿雲

端山鬼吹燈滅厨人語夜闌鷄鳴問前館世亂敢求

安

行次鹽亭縣聊題四韻奉簡嚴遂州蓬州兩使

君諮議諸昆季

馬首見鹽亭高山擁縣青雲溪淡淡一云春郭水冷

冷全蜀多名士嚴家聚德星長歌意無極好為老夫

聽

寰宇記鹽亭縣因井為名負戴山在縣西一里高二里自劔門南來過劔州
入當縣龍盤虎踞起伏四百餘里至此却蹲山有飛龍泉噴下南流入梓潼
江水色清冷其味甘
美時以為瓊漿水
嚴君舊書嚴震梓州鹽亭人屢出家財以助軍授州
長史王府諮議參軍嚴武移西川署為押衙礪
震之宗人也寰宇記嚴震及弟礪
二墓在負戴山下去縣西一里

倚杖鹽亭
縣作

看花雖郭內一云倚杖即溪邊山縣早休市江橋春聚

船狎野鷗輕白浪一云歸鴈喜青一作天物色兼生意淒

涼憶去年

陪王漢州留杜綿州泛房公西湖

舊相恩追後春池賞不稀闕庭分未到舟楫有光輝
鼓化尊絲熟刀鳴鱸縷飛使君雙阜蓋灘淺正相依

房公舊書房瑄傳上元二年八月改漢州刺史寶應二年四月拜特進刑部尚書在路遇疾廣德元年卒于閬州所謂闕庭分未到也西

湖方輿勝覽房公湖又名西湖按壁記房相上元初牧此邦其時始鑿湖有詩存焉李德裕漢州月夕遊房太尉西湖詩云誰憐濟川楫長與夜舟歸陸務觀詩房公一跌叢衆毀八年漢州為刺史遶湖鑿池一百頃島嶼屈曲三四里

舟前小鵝兒漢州城西北角官池作

鵝兒黃似酒對酒愛新鵝引頸嗔船逼一作過無行亂眼

多翅開遭宿雨力小困滄波客散層城暮狐狸奈若

何

官池舊注官池即房公西湖鵝兒酒方輿勝覽鵝黃乃漢中酒名蜀中無能及者陸務觀亦云兩川名醞避鵝黃

得房公池鵝

房相西池鵝一羣眠沙泛浦白於一作如雲鳳皇池上應

迴首為報籠隨王右軍

答楊梓州

悶到房公池水頭坐逢楊子鎮東州却向青溪不相見迴船應載阿戎遊

師古本房公池誤作楊公又造楊梓州先人鑿池之說舊注已匡其繆矣

登樓

花近高樓傷客心萬方多難此登臨錦江春色來一云水流

天地玉壘浮雲變古今北極朝廷終不改西山寇盜

莫相侵可憐後主還祠廟日暮聊為梁甫吟

玉壘蜀都賦包玉壘而為宇劉注玉壘山名也湔水出焉在成都西北岷山界在後故曰宇也寰宇記在茂州汶川縣北二里又有玉輪坂其

下汶水 梁甫吟 水經注沔水又東逕樂山北昔諸葛亮好為梁甫吟每
所經 取登遊故俗以樂山為名西溪叢語藝文類聚載諸葛
亮梁甫吟不知何義張衡四愁詩欲往從之梁甫艱言人君有德則封
泰山泰山以喻人君梁甫以喻小人也諸葛好為梁甫吟恐取此意
鶴曰此廣德二王逕歸成都之作吐蕃陷京師立廣武郡王承宏為帝郭子
儀復京師乘輿反正故曰北極朝廷終不改言吐蕃雖立君終不能改命也
箋曰西山寇盜指吐蕃言之非謂劍南西山也可憐後主還祠廟其以代宗
任用程元振魚朝恩致蒙塵之禍而託諷於後主之用黃皓乎其典寄微婉
此如

春歸

苔逕臨江竹茅簷覆地花別來頻甲子倏忽又春
華倚杖看孤石傾壺就淺沙遠鷗浮水靜輕鷺受風
斜世路雖多梗吾生亦有涯此身一云且應醒復醉乘興即
為家

歸鴈

東來萬里客亂定一云走幾年歸腸斷江城鴈高高正一作向
北飛

贈王二十四侍御契四十韻

往往雖相見飄飄媿此身不關輕綬冕俱是避風塵

一別星橋夜三移斗柄春敗亡非赤壁奔走為黃巾

子一作爾去何瀟灑余藏異隱淪書成無過鴈衣故有懸

鶉恐懼行裝數伶俜臥疾一云病頻曉鷺工迸淚秋月解

傷神會面嗟鰲黑含悽話苦辛接輿還入楚王粲不

歸秦錦里殘丹竈花溪得釣綸消一作宵中祇自惜晚起

索誰親伏柱聞周史乘槎有漢臣鴛鴻不易狎龍虎

未宜馴客則一云即挂冠至交非傾蓋新由來意氣合直

取性情真浪跡同生死無心恥賤貧偶然存蔗芋幸
各對松筠麤飯依他日窮愁怪此辰女長裁褐穩男
大卷書勻滿口江如練蠶崖雪似銀名園當翠巘野
棹沒青蘋屢喜王侯宅時邀一作逢江海人追隨不覺晚
款曲動彌旬但使芝蘭秀何煩一作須棟宇鄰山陽無俗
物鄭驛正留賓出入竝鞍馬光輝一作參二云席珍重遊先
主廟更歷少城闔石鏡通幽魄琴臺隱絳唇送終惟
糞土結愛獨荆榛置酒高林下觀碁積水濱區區甘
累趼稍稍息勞筋網聚粘圓鯽絲繁煮細尊長二云歌
敲柳瘦小睡凭藤輪農月須知課田家敢忘勤浮生
難去食良會惜清晨列國兵戈暗今王德教淳要聞

除猥偷休作畫麒麟洗眼看輕薄虛懷任屈伸莫令
膠漆地萬古重雷陳

蔗芋

蜀都賦瓜疇芋區甘蔗辛薑

滿口

水經注江水又歷都安縣縣有桃關漢武帝祠李冰作大堰於此堰於江作滿滿有左右

口謂之前滿江入郫江檢江以行舟俗謂之都安大堰亦曰滿堰又謂金隄左思賦西踰金隄者也寰宇記導江縣有都安堰一名滿堰李冰擁江作壩蜀人謂堰為壩柳瘦曹植詩我

寄董卿嘉榮十韻

聞道君牙帳防秋近赤霄下臨千雪嶺一作千却背五
繩橋海內久戎服京師今晏朝□□曾爛熳宮闕尚
蕭條猛將宜嘗膽龍泉必在腰黃圖遭污辱月窟可
焚燒會取干戈利無令斥候驕居然雙捕□自是一
嫖姚落日思輕騎高一作秋天憶射雕雲臺畫形像皆為

掃氛妖

君牙

吳若本注云此邢君牙也本傳云田神功為兗鄆節度使使君牙將屯兵好時防秋神功鎮兗鄆在代宗初故曰京師今晏朝是時君牙

尚微在神功麾下乃名斥之按此詩言君牙帳者謂君之牙帳也雪嶺繩橋皆防西之地邢君牙領防秋兵入鎮好時又扈從代宗幸陝與此詩絕不相

涉若但以君牙二字曲說附會耳 牙帳 唐志佛堂一百八十里至勃令驛鴻臚館至贊普

朝也字本作牙詩曰祈父予王之爪牙祈父司馬掌武備象獸以爪牙為衛故軍前大旗謂之牙旗出師則有建牙禡牙之事軍中聽號令必至牙旗之

下與府朝無異近俗尚武是以通呼公府門為牙門字訛變轉而為衙珩璜新論突厥畏李靖徙牙于積中牙者旗也東京賦竿上以象牙飾之後人遂

以牙為衙 赤霄 鶴曰赤霄言三城之高高適謂邈在窮山之巔是也

寄司馬山人十二韻

關內昔分袂天邊今轉蓬驅馳不可說談笑偶然同道術曾留意先生早擊蒙家家迎薊子處處識壺公長嘯峨嶂北潛行玉壘東有時騎猛虎虛室使仙童

髮少何勞白顏衰肯更紅望雲悲輶軻畢景羨冲融

喪亂形仍役淒涼信不通懸旌要路口倚劔短亭中

永作殊方客殘生一老翁相哀骨可換亦遣馭清風

壺公

水經注昔費長房為市吏見王壺公懸壺郡市長房從之因而自退同入此壺隱淪仙路骨謝懷靈無會而返雖能使鬼神而終同物化

寄李十四員外布十二韻

新除司議郎兼萬州別駕雖尚伏枕已聞理裝

名叅漢望苑職述景題輿巫峽將之郡荆門好附書

遠行無自苦內熱比何如正是炎天潤那堪野館疎

黃牛平駕浪盡鷁上凌虛試待盤渦歇方期解纜初

悶能過小徑自一作日為摘嘉蔬渚柳元幽僻村花不掃

除宿陰繁素柰過雨亂紅蕖寂寂夏先晚泠泠風有

餘江清心可瑩竹冷髮堪梳直作移巾宜云秋帆發

弊廬

題輿

謝承書周景為豫州辟陳蕃為別駕不就景題別駕輿曰陳仲舉坐也不復更辟蕃惶懼起視職

歸來

客裏有所過

一作適

歸來知路難開門野鼠走散帙壁魚

乾洗杓開新醞低頭拭小盤

一云著小冠

憑誰給麴蘖細酌

老江干

壁魚

爾雅蟬白魚注衣書中蟲一名炳魚本草謂之衣魚

王錄事許脩草堂貲不到聊小詰

為嗔王錄事不寄草堂貲昨屬愁春雨能忘欲漏時

寄邛州崔錄事

邛州崔錄事聞在果園坊

坊名在成都

久待無消息終朝有

底忙應愁江樹遠怯見野亭荒浩蕩風塵外誰知

酒熟香

過故斛斯校書莊二首

老儒艱難時病於庸蜀英華注云歎其沒後方授一官

公名融

此老已云歿鄰人嗟亦休

一云歎未休

竟無宣室召徒有茂

陵求妻子寄他食園林非昔遊空堂總帷在浙浙野

風秋

鷺入非傍舍鷗歸祇故池斷橋無復板臥柳自生枝

遂有山陽作多慙鮑叔知素交零落盡白首淚雙垂

公詩有走覓南鄰愛酒伴注云斛斯融吾酒徒

立秋雨院中有作

山雲行絕塞大火復西流飛雨動華屋蕭蕭梁棟秋

窮途愧知已，暮齒借前籌。已費清晨謁，那成長者謀。
解衣開北戶，高枕對南樓。樹溼風涼進，江喧水氣浮。
禮寬心有適，節爽病微瘳。主將歸調鼎，吾還訪舊丘。

軍城早秋

嚴武

昨夜秋風入漢關，朔雲邊雪月一作滿西山。更催飛將追
驕，莫遣一作沙場匹馬還。

奉和

秋風嫋嫋動高旌，玉帳分弓射□營。已收滴博雲間
戍，更奪胡三省蓬婆雪外城。

嚴武傳廣德二年破吐蕃七萬餘衆拔當狗城十月取鹽川城崔旰傳武遣旰統兵西山拓地數百里
滴博困學紀聞的博嶺在維州韋臯
傳出西山靈關破峩和通鶴定廉城踰的博嶺遂圍維州博雜樓攻下羊溪等三城取劔山屯焚之李義山獻杜僕射詩南詔應聞命西山莫敢驚寄辭

收的博端坐掃攬槍蓬婆元和郡國志柘州城西面險阻易于固守有安戎江蓬婆水在州南二十里大雪山一名蓬婆山在柘縣西北一百

里吐蕃傳開元二十六年王昱率劔南兵攻安戎頓兵於蒲婆嶺下運劔南道資糧以守之胡三省曰新書作蓬婆嶺其地在雪山外

院中晚晴懷西郭茅舍

幕府秋風日夜清，澹雲疎雨過高城。葉心朱實看一作
時落階，面青苔。先自生，復有樓臺銜暮景。不勞鐘鼓
報新晴。浣花溪裏花饒笑，肯信吾兼一作吏隱名。

張璠曰此公有不樂於幕府者也明年正月遂行歸草堂

到村

碧澗雖多雨，秋沙先去聲陳少泥。蛟龍引子過，荷芰逐
花低。老去參戎幕，歸來散馬蹄。稻梁須就列，榛草即
相迷。蓄積思江漢，疎頑吳作惑一作町畦。稍吳作酬知已分。

還入故林栖

引子 西京雜記瓠子河決有蛟龍從九子自决中逆上入河噴沫流波數十里

宿府

清秋幕府井梧一作桐寒獨宿江城蠟炬一作燭殘永夜角聲悲自語中天月色好誰看風塵荏苒音書絕關塞蕭條行路難已忍伶俜十年事強移栖息一枝安

遣悶奉呈嚴吳本有鄭字公二十韻

白水魚竿客清秋鶴髮翁胡為來一作居幕下祇合在舟中黃卷真如律青袍也一音夜自公老妻憂坐痺幼女問頭風平地專欲倒分曹失異同禮甘衰力就義忝上官通疇昔論詩早光輝仗鉞雄寬容存性拙剪拂念

途窮露裊思藤架煙霏想桂叢信然龜觸網直作鳥窺籠西嶺紆村北南江遠舍東竹皮寒舊翠椒實雨新紅浪簸船應圻杯乾甕即空藩籬生野徑斤斧任樵童束縛酬知已蹉跎効小忠周防期稍稍太簡遂忽忽曉入朱扉啓昏歸畫角終不成尋別業未敢息微躬烏鵲愁銀漢鴛鴦怕錦幪會希全物色時放倚梧桐

南江

江南即二江也舊書云結廬枕江元和郡國志大江一名汶江一名流江經成都縣南七里李冰穿二江成都中皆可行舟于浣花里

曉入

周益公詩話韓退之上張僕射書云使院故事晨入夜歸非有疾病事故輒不許出抑而行之必發狂疾乃知唐藩鎮之屬皆晨入昏歸亦自少暇如牛僧孺待杜牧故不以常禮也

送舍弟頻

草堂本作穎赴齊州三首

岷嶺南蠻北徐關東海西此行何日到送汝萬行啼
絕域惟高枕清風獨杖藜危時暫相見衰白意都迷
風塵暗不開汝去幾時來兄弟分離苦形容老病催
江通一柱觀日落望鄉臺客意長東北齊州安在哉
諸姑今海畔兩弟亦山東去傍干戈覓來看道路通
短衣防戰地匹馬逐秋風莫作俱流落長瞻碣石鴻

諸姑

鶴曰公作范陽太君盧氏墓誌審言之女薛氏所出者適魏上瑜
裴榮期盧正均皆前卒盧氏所出者適京兆王佑會稽賀馮會稽

瀕于碣石

淮南覽真訓遇歸雁于碣石
廣絕交論軼歸鴻于碣石

嚴鄭公塔下新松

得霑字

弱質豈自負移根方爾瞻細聲聞一作侵玉帳踈翠近珠
簾未見紫煙集虛蒙清露霑何當一百丈歆蓋擁高

簷

嚴鄭公宅同咏竹

得香字

綠竹半含籜新梢纔出墻色侵書帙晚陰過酒樽涼
雨洗娟娟淨風吹細細香但令無剪伐會見拂雲長

奉觀嚴鄭公廳事岷山沱江畫圖十韻

得志沱通

沱水流

一作

中座岷山到

一作

堂白波吹

一作

粉壁青

嶂插離梁直訝杉松冷兼疑菱荇香雪雲虛點綴沙

草得微茫嶺鴈隨毫末川蜺飲練光霏紅洲蔡亂拂

黛石蘿長暗谷

一作

非關雨丹楓

一作

不爲霜秋成

一作

圍外景物洞庭旁繪事功殊絕幽襟興激昂從來謝

太傅丘壑道難忘

晚秋陪嚴鄭公摩訶池泛舟

得溪字

湍駛風醒酒船迴一作行霧起隄高城秋自落雜樹晚相

迷坐觸鴛鴦起巢傾翡翠低莫須驚白鷺為伴宿青

溪

摩訶池

寰宇記汗池一名摩訶池昔蕭摩訶所置在錦城西元和郡國志摩訶池在州中城西

初冬

垂老戎衣窄歸休寒色一云氣深漁舟上急水獵火著高

林日有習池醉愁來梁甫吟干戈未偃息出處遂何

心

至後

冬至至後日初長遠在劔南思洛陽青袍白馬有何

意金谷銅駝非故鄉梅花欲開不自覺棣萼一別永

相望愁極本憑詩遣興詩成吟詠轉淒涼

金谷

水經注金谷水出河南太白原東南流歷金谷謂之金谷水東南流經石崇故居

銅駝

陸機洛陽記漢鑄銅駝二枚在宮南

四會道頭夾路相對

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春聲

藥許隣人斲書從稚子擎白頭趨幕府深覺負平生

弊廬遣興奉寄嚴公

野水平橋路春沙映竹村風輕粉蝶喜花暖蜜蜂喧

把酒且一作宜深酌題詩好細論府中瞻暇日江上憶詞

源跡一作寄忝朝廷舊情依節制尊還思長者轍恐避席

爲門

春日江村五首

農務村村急。春流岸岸深。乾坤萬里眼。時序百年心。
茅屋還堪賦。桃源自可尋。艱難賤一作淺生理。飄泊到
如今。

乾坤二句

鮑明遠詩爭先萬里途各事百年身

迢遞來三蜀。蹉跎有一作六年。客身逢故舊。發興自林

泉。過懶從衣結。頻遊任履穿。藩籬無限景。陳川本並作頗無限恣意

買一作江天

種竹交加翠。栽桃爛熳紅。經心石鏡月。到面雪山風。
赤管隨王命。銀章付老翁。豈知牙齒落。名玷薦賢中。

赤管

漢官儀尚書令僕丞郎月給赤管大筆一雙篆題曰北宮著作又二千石以上銀印龜鈕刻曰某官之章

扶病垂朱紱。歸休步紫苔。郊扉存一作晚計。幕府媿羣

材。燕外晴絲卷。鷗邊水葉開。鄰家送魚鼈。問我數能

來。

羣盜哀王粲。中年召賈生。登樓初有作。前席竟爲榮。

宅入先賢傳。才高處士名。異時懷二子。春日復含情。

先賢傳

郡國志長沙南寺賈誼宅亦陶侃宅在焉殷芸小說湘州有南

傍局脚石床容一人坐即誼所坐也出盛弘之荊州記又云誼宅今爲陶侃

廟時種甘猶有存者出庾穆之湘州記襄沔記繁欽宅王粲宅並在襄陽井

絕句六首

日出籬東水。雲生舍北泥。竹高鳴翡翠。沙僻舞鸚鵡。一作

鷄

藹藹花藥亂飛飛蜂蝶多幽棲身懶動客至欲如何

鑿井交椶葉

吳若本注交椶作井綆也

開渠斷竹根扁舟輕裊纜小逕

曲通村

急雨捎溪足斜暉轉樹腰隔巢黃鳥竝翻藻白魚跳

舍下筍穿壁庭中藤刺

一作到

簷地晴絲冉冉江白草纖

織

江動月移石溪虛雲傍花鳥棲知故道帆過宿誰家

絕句四首

堂西長筍別開門塹北行椒却背村梅熟許同朱老

喫松高擬對阮生論

朱阮劔外相知

欲作魚梁雲復

一作覆

湍因驚四月雨聲寒青溪先有蛟

龍窟竹石如山不敢安

兩箇黃鸝鳴翠柳一行白鷺上青天窓含西嶺千秋

雪門泊東吳萬里船

西山白雪四時不消

藥條藥

一作菜

甲潤青青色過棕亭入草亭苗滿空山慙

取譽根居隙地怯成形

杜工部集卷之十三

宜興縣陳維崧其年氏

同校

季公琦希韓氏

杜工部集卷之十四

虞山蒙叟錢

謙益

箋註

近體詩一百十九首

行過戎渝州居雲安夔州作

哭嚴僕射歸觀

素幔隨流水歸舟返舊京老親如宿昔部曲異平生
風送蛟龍雨一作逆天長驃騎營一哀三峽暮遺後見君情

蛟龍匣

西京雜記漢帝送死皆珠襦玉匣武帝匣上皆鏤為蛟龍鸞鳳龜麟之象世謂為蛟龍玉匣按霍光傳賜璧珠璣玉衣梓宮則

人臣亦可稱蛟龍匣也

宴戎州楊使君東樓

勝絕驚身老情忘發興奇座從歌妓密樂任主人為

重碧拈一作醅一作春一作酒筒酒輕紅擘荔枝樓高欲愁思

橫笛未休吹

戎州

太平寰宇記春秋為夔候國梁為戎州隋煬帝廢以其地為犍為郡

拈酒

趙曰元稹元日詩羞看稚子先拈酒白樂天歲

假詩歲酒先拈辭不得拈酒唐人語也作醅非是

荔枝

寰宇記戎州夔道縣有荔枝園郡國志云夔住施彛中最賢者古所謂夔僮之

富多以荔枝為業園植萬株一樹可收一百五十斛又有荔枝灘方輿勝覽荔枝廳在倅廳名曰萬朵紅又一本在尉廳一樹四柯西南一柯獨肉厚而味甘黃魯直云

渝州候嚴六侍御不到先下峽

聞道乘驄發沙邊待至今不知雲雨散虛費短長吟

山帶烏蠻闊江連白帝深船經一柱觀畱眼一作滯共登臨

臨

渝州

元和郡國志渝州古之巴國也開皇元年改為渝州以渝水為名寰宇記其地東至魚復西連夔道北接漢中南極牂牁

峽

寰宇記明月峽在巴縣東八十里

烏蠻

梁益州記雋州雋山其地接諸蠻部有烏蠻秋蠻

撥悶

一云贈嚴二別駕

聞道雲安麴米春纔傾一盞即醺人乘舟取醉非難

事下峽消愁定幾巡長年三老遙憐汝楫柂開頭一作鳴鏡

捷有神已辦青錢防雇直當令美味入吾脣

麴米春

東坡云退之詩且可勤買拋青春杜詩有麴米春裴劭傳奇有松醪春國史補云郢之富水烏程之若下柴陽之土窟春富平

之石凍春劍南之燒春乃知唐人名酒多以春也

聞高常侍亡

忠州作

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在祗令故舊傷

永泰元年正月左散騎常侍高適卒

宴忠州使君姪宅

出守吾家姪，殊方此日歡。自須遊阮巷，一作舍不是怕湖

灘。一作溪樂助長歌逸，一作送杯饒旅思寬。昔曾如意舞，牽

率強為看。

忠州

後漢巴東郡貞觀八年改臨州為忠州以地邊巴徼意懷忠信為名

湖灘

峽程記四百五十灘有清水重峰湖灘漢灘

禹廟

禹廟空山裏，秋風落日斜。荒庭垂橘柚，古屋畫龍蛇。

雲氣生虛壁，一云噓江聲走白沙。早知乘四載，疏鑿一云

清壁

控三巴。

禹廟

禹廟

方輿勝覽禹祠在忠州臨江縣南過岷江二里

龍蛇

招魂仰觀刻桷畫龍蛇此孫莘老云橘柚錫貢驅龍蛇皆禹之事公因見

此有感也

三巴

山海經云西南有巴國三巴記云閬白二水東南流曲折三回如巴字故謂三巴郭璞江賦巴東之峽夏后疏

鑿元和郡國志項羽封高祖為漢王王巴蜀天下既定乃分巴蜀置郡武帝又置犍為郡劉璋為益州牧於是分巴郡自墊江已下為永寧郡先主又以固陵為巴東郡于是巴郡分而為三號曰三巴

題忠州龍興寺所居院壁

忠州三峽內，井邑聚雲根。小市常爭米，孤城早閉門。

空看過客淚，莫覓主人恩。淹泊仍愁虎，深居賴獨

園。

陸務觀有龍興寺弔少陵先生寓居詩扈蹕老臣身萬里天寒來此聽江聲寺門聽江聲甚壯

旅夜書懷

細草微風岸，危檣獨夜舟。星垂平野闊，月湧大江流。

名豈文章著，官應老病休。飄飄何所似，天地

一作零

沙鷗。

一作外

沙鷗

星垂俗本多作星隨

別常徵君

兒扶猶杖策，卧病一秋強。白髮少新洗，寒衣寬摠長。故人憂見及，此別淚相忘。各逐萍流轉，來書細作行。

十二月一日三首

今朝臘月春意動，雲安縣前江可憐。一聲何處送書雁，百丈誰家上水船。一作懶船未將梅蕊驚愁眼，要一作更取楸

椒花媚遠天，明光起草人所羨。肺病幾時朝日邊。

雲安冬蒸地，煖有煙霧。又家有鹽井，其俗以女當門戶，多販鹽自給。

寒輕市上山煙碧，日滿樓前江霧黃。負鹽出井此谿女，打鼓發船何郡郎。新亭舉目風景切，茂陵著書消渴長。春花不愁不爛熳，楚客唯聽棹相將。

新亭

山謙之丹陽記新亭吳舊亭也。隆安中丹陽尹司馬恢移割今地。

楚客

夔為南楚故公，謂楚客將送也。

卽看鷺子入山扉，豈有黃鸝歷翠微。短短桃花臨水岸，輕輕柳絮點人衣。春來準擬開懷久，老去親知見面稀。他日一盃難強進，重嗟筋力故山違。

又雪

南雪不到地，青崖霑未消。微微向日薄，脉脉去人遥。冬熱鴛鴦病，峽深豺虎驕。愁邊有江水，焉得北之朝。

奉漢中王手札

國有乾坤大，王今叔父尊。剖符來蜀道，歸蓋取荆門。峽險通舟過，陳作峻江長注海奔。主人畱上客，避暑得名園。前後緘書報，分明饌玉恩。天雲浮絕壁，風竹在華

軒已覺良宵永陳作何看駭浪翻入期朱邸雪朝傍紫
微垣枚乘文章老河間禮樂存悲秋宋玉宅失路武
陵源淹薄俱崖口東西異石根音迷咫尺鬼物傷
一作倚黃昏犬馬誠為戀狐狸不足論從容草奏罷宿昔
奉清罇

贈崔十三評事公輔

飄飄吳作西極馬來自渥洼池颯颯定一作寒山桂低徊
風雨枝我聞龍正直道屈爾何為且有元戎命悲歌
識者誰吳作官聯辭冗長行路洗歆危脫劍主人贈去
帆春色隨陰沉鐵鳳闕教練羽林兒天子朝侵早雲
臺仗數移分軍應供給百姓日支離黠吏因封邑公

才或守雌燕王買一作賈駿骨渭老得熊羆活國名公在
拜壇群寇疑冰壺動瑤碧野水失蛟螭入幕諸彥集
渴賢高選宜騫騰坐可致九萬起於斯復進出矛戟
昭然開鼎彝會看之子貴歎及老夫衰豈但江魯決
還思霧一披暗塵生古鏡拂匣照西施舅氏多人物
無慙困翮垂

寒山

謝靈運入華子岡詩南
州實炎德桂樹凌寒山

長江二首

衆水會涪萬瞿塘爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事卽飛鸞

涪萬

鶴曰瞿塘在夔州東一里而雲安在州西百三十里雲
安與萬州爲鄰使君

灘古西境故此詩爲雲安作

瞿塘

水經注

中有瞿塘黃龍二灘夏水迴復浚所忌寰宇記瞿塘在夔州東一里古西陵峽也連崖千丈奔流電激舟人爲之恐懼方輿勝覽瞿塘峽乃三峽之門兩崖對峙中如馬寰宇記灩澦堆周圍二十丈在州西南二百步貫長江望之如門蜀江中心瞿塘峽口李膺益州記云灩澦堆夏水漲沒數十丈其狀如馬舟人不敢進又曰猶預言舟子取途不飲猿決水脉故猶預也樂府作滹豫其歌曰滹豫大如馬瞿塘不可下水經注巴東郡治白帝山城西南臨大江關之眩目唯馬嶺小差透迤猶斬爲路羊腸數四然後得上益州刺史鮑陋鎮此爲譙道福所圍城裏無泉乃南開水門鑿石爲函道上施木天公直下至江中有似猿臂相牽汲引然後得水水門之西江中有孤石爲滹豫石冬出水二十餘丈夏則没亦有裁出矣

浩浩終不息乃知東極臨一作深衆流歸海意萬國奉君心○色○借○瀟○湘○闊○聲○驅○灩○澦○深一作沈未辭添霧雨接上

遇一作過衣襟

承聞故房相公靈輓自閬州啓殯歸葬東都有作二首

遠聞房太守一作尉歸葬陸渾山一德興王後孤魂久客間孔明多故事安石竟崇班他日嘉陵涕仍霑楚水還

陸渾山

舊書瑄少好學與東平呂向隱於陸渾伊陽山中讀書凡十餘歲

一德

伊尹作咸有一德以戒太甲曰惟尹

躬暨湯咸有一德瑄建分鎮討賊之議首定興復之功故以一德興王許之瑄爲肅宗所惡幾有伊生嬰戮之禍故以伊尹比之亦寓意于立肅父子之間也孔明蜀志臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事

安石

王獻之傳謝安薨贈禮有異伺之議惟獻之與徐邈共明安之忠勳孝武帝遂加安殊禮

嘉陵

寰宇記周地圖云水

源出秦州嘉陵因名嘉陵卽閬中水楚水夔已下之江也

丹旄飛飛日初傳發閬州風塵終不解江漢忽同流
劔動新趙云善本作親身匣書歸故國樓盡哀知有處爲客恐
長休

雲安九日鄭十八攜酒陪諸公宴

寒花開已盡，菊蕊獨盈枝。
舊摘人頻異，輕香酒暫隨。
地偏初衣袂，山擁更登危。
萬國皆戎馬，酣歌淚欲垂。

荅鄭十七郎一絕

雨後過畦潤，花殘步履遲。
把文驚小陸，好客見當時。

將曉二首

石城除擊柝，鐵鎖欲開關。
鼓角悲荒塞，星河落曙山。
巴人常小梗，蜀使動無還。
垂老孤帆色，飄飄犯百

蠻

軍吏回官燭，舟人自楚歌。
寒沙蒙薄霧，落月去清波。
壯惜身名晚，衰慙應接多。
歸朝日簪笏，筋力定如何。

懷錦水居止二首

軍旅西征僻，風塵戰伐多。
猶一作獨聞蜀父老，不忘舜謳歌。
天險終難立，柴門豈重過。
朝朝巫峽水，遠逗錦江波。

萬里橋南

西當作

宅，百花潭北莊。
層軒皆面水，老樹飽經

霜。雪嶺界天白，錦城曠日黃。
惜哉形勝地，回首一茫

茫

子規

峽裏雲安縣，江樓翼瓦齊。
兩邊山木合，終日子規啼。
眇眇春風見，蕭蕭夜色淒。
客愁那聽此，故作傷人低。

一作故傷
旅人低

吳曾漫錄鮑彪詩譜柳子厚永州遊山記云多種歸之禽稱歸是蜀中地名疑其地多此禽也史記曆書稱鳩先澤注稱音姊鳩音規子規鳥也一名鸚鵡乃知子規作稱歸不為無本矣按酈道元水經注乃縣之名稱歸以屈原姊得名鮑說非也

立春

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

春盤

撫遺東晉李鄂立春日命以蘆葍芹芽為菜盤
相餽祝四時寶鏡立春日春餅生菜號春盤
高門 三輔舊事
武帝於未央宮起高門武臺殿鮑宣傳高門去省戶數十步求見出入二年未省水
經注北出西頭第二門本名洛門又曰朝門一日高門蘇林曰高門長安
城北門也一日厨門其內有
長安厨官在東故曰厨門也

漫成一絕

江月去人只數尺風燈照夜欲三更沙頭宿鷺聯拳

靜

一作起

船尾跳魚撥

一作跋

刺鳴

撥刺

吳曾漫錄思玄賦云彎威弧之撥刺注撥刺張弓聲而非魚也太
白詩雙鯁呀呷鱗鬣張跋刺銀盤欲飛去意與杜同以撥為跋

老病

老病巫山裏稽留楚客中藥殘他日裏花發去年叢
夜足霑沙雨春多逆水風合分雙賜筆猶作一飄蓬

賜筆

漢官儀尚書丞郎月給赤
管大筆一雙隃糜墨一枚

南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離群
寄常徵君

白水青山空復春徵君晚節傍風塵楚妃堂上色殊

衆海鶴堦前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

開州開州盛山郡巴郡胸臆縣地東至夔州雲安縣龍目驛一百九十里

寄岑嘉州州據蜀江外

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
日一作自疎謝眺每篇堪諷誦馮唐已老聽吹噓泊船秋
夜經春草伏枕青楓限玉除眼前所寄選何物贈子
雲安雙鯉魚

按杜確岑嘉州詩集序參自庫部正郎出為嘉州杜鴻漸表為職方郎中兼侍御史列於幕府無幾使罷寓居于蜀鴻漸使罷還朝在大曆二年六月則公寄此詩當在元年

移居夔州郭

伏枕雲安縣遷居白帝城春知催柳別江與一作已放船
清農事聞人說山光見鳥情禹功饒斷石且就土微
平

夔州寰宇記夔州春秋時為夔子國秦為巴郡地漢屬益州部漢書地理志云江關都尉理魚復有橘官即此地也公孫述至魚復有白

龍出井中因號魚復為白帝城蜀先主敗于彝陵退屯白帝改為永安郡武德二年改夔州天寶元年改雲陽郡乾元元年復為夔州夔州雲安縣上水去夔州奉節微平水經注江水又東逕廣谿峽斯乃三峽之首也縣二百四十三里蓋自昔禹鑿以通江郭景純所謂巴東之峽夏后疏鑿者方輿勝覽引杜詩舊注云泐峽皆開鑿而成故少平土惟夔州稍平耳

舡下夔州郭宿雨濕不得上岸別王十二判官

仗沙宿舸舡石瀨月娟娟風起春燈亂江鳴夜雨懸
晨鐘雲外晉作岸濕勝地石堂燿柔櫓輕鷗外含悽覺汝

賢

雨不絕

鳴雨既過漸細

晉作細雨

微映空搖颺如絲飛塔前短草泥

不亂院裏長條風乍稀舞石旋應將乳子行雲莫自

濕仙衣眼邊江舸何忽促未待

晉作得

安流逆浪歸

舞石

水經注石鷺山其山有石紺而狀鷺因以名山其石或大或小若母子焉及雷風相薄則石鷺群飛頡頏如真鷺矣羅君章云今鷺

不必復飛也

崔評事弟許相迎不到應慮老夫見泥雨怯出

必愆佳期走筆戲簡

江閣要賓許馬迎午時起坐自天明浮雲不負青春
色細雨何孤白帝城身過花間露濕好醉於馬上往

來輕虛疑皓首衝泥怯實少銀鞍傍險行

宿江邊閣

暝色延山逕高齋次水門薄雲巖際宿孤月浪中翻

鶴鶴追飛靜

一作盡

豺狼得食喧不眠憂戰伐無力正乾

坤

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀

門鵲晨光起

一作喜

牆

一作牆

烏宿處飛寒江流甚細有意待

人歸

檣烏

檣烏舊注以為相風之鳥又謂門鵲指門端刻鵲皆曲說也

西閣口號

呈元二十一

山木抱雲稠。寒江繞上頭。雪崖纔變石。風幔不依樓。
社稷堪流涕。安危在運籌。看君話王室。感動幾銷憂。

西閣雨望

樓雨霑雲幔。山寒一作高著水城。逕添沙面出。湍減石稜。
生菊藥。凄疎放。松林駐遠情。滂沱朱檻濕。萬一作方慮傷。

一作倚簷楹

不離西閣二首

江柳非時發。江花冷色頻。地偏應有瘴。臘近已含春。
失學從愚子。無家住一作任老身。不知西閣意。肯別定畱

一作何人

舊注落句言西閣之意。肯令我別乎。莫定要畱人也。

西閣從人別。人今亦故亭。江雲飄素練。一作葉石壁斷一作斬。
空青滄海先。迎日銀河倒。列星平生耽。勝事吁駭始。
初經

西閣三度期大昌嚴明府同宿不到

問子能來宿。今疑索故要。匣琴虛夜夜。手板自朝朝。
金吼霜鐘徹。花催臘一作蠟炬銷。早息江檻底。雙影漫飄

飄

霜鐘 山海經豐山有九鐘焉。是知霜鳴。郭云霜降則鐘鳴。故言知也。

西閣二首

巫山小搖落。碧色見松林。百鳥各相命。孤雲無一作非自。
心層軒俯江壁。要路亦高深。朱紱猶紗帽。新詩近玉

琴功名不早立衰病一作疾謝知音哀世非一作無王粲終然

一作朝學越吟

相命登樓賦鳥相鳴而舉翼大戴禮夏小正日鳴也者相命也越吟登樓賦莊鳥顯而越吟

懶心似江水日夜向滄洲不道含香賤其如鑷白休

經過調一作凋碧柳蕭索一作瑟倚朱樓畢娶何時竟消中得

自由豪一作榮華看古往服食寄冥搜詩盡人間興兼須

入海求

含香漢官儀尚書郎握蘭含雞舌香奏事與黃門侍郎對揖

閣夜

歲暮陰陽催短景天涯霜雪霽寒宵五更鼓角聲悲

壯三峽星河影動搖野哭幾晉作千家聞戰伐晉作是歌數

處起漁樵卧龍躍馬終黃土人事依依漫一作音塵日寂作音書頗

寥

星河天官書天一槍格矛盾動搖角大兵起漢書元光中天星盡搖上以問候星者對曰星搖者民勞也後伐四口百姓勞于兵革漢武

故事元光元年天星大動光耀煥煥竟天數夜乃止上以問董仲舒對曰是謂星搖民人勞之妖也是歲謀伐匈奴天下始不安卧龍

躍馬吳若本注夔州有白帝祠郭外有孔明廟

西閣夜

恍惚寒山暮透迤白霧昏山虛風落石樓靜月侵門

擊柝可憐子無衣何處村時危關百慮盜賊爾猶存

灤西寒望

水色含群動朝光切太虛年侵一作終頻悵望興遠一蕭

疎猿挂時相學鷗行烟自如瞿塘春欲至定卜灤西

居

灤西

方輿勝覽大灤水在奉節縣入蜀記土人謂山間之流通江者曰灤

入宅三首

赤甲白鹽二山

奔峭背赤甲斷崖當白鹽客居愧遷次春酒漸多添
花亞欲移竹鳥窺新捲簾衰年不敢恨勝槩欲相兼

奔峭

謝靈運詩徒旅苦奔峭善引淮南子岸峭者必陀許慎曰陀落也然則峭亦落也

赤甲

水經江水又東南逕赤岬西注

是公孫述所造因山據勢周迴七里一百四十步東高二百丈西北高一千丈南連基白帝山甚高大不生樹木其石悉赤土人云如人袒胛故謂之赤岬山淮南子曰徬徨于山岬之徬注岬山脅也郭仲產曰斯名將因此而興矣荆州圖記云魚復縣西北赤甲城東連白帝城西臨大江

鹽

水經注廣谿峽斯乃三峽之首也其間三十里頽巖倚木厥勢殆交北岸山上有神淵淵北有白鹽崖高可千餘丈俯臨神淵土人見其高白

故因名之寰宇記白鹽山

在州城間東山半有龍池

亂後居難定春歸客未還水生魚復腹

浦雲暖麝香

音腹

山半

樊作

頂梳頭白過眉拄杖班相看多使者一一問

函關

魚復浦

寰宇志奉節縣本漢魚復縣也今縣北三十里有赤甲城是舊魚復縣基地理志江關都尉理魚復有橋官水經注江水又東

逕魚復縣故城南故魚國也地志夔治魚復艷頽風濤電射巨魚却而不得上故名曰魚復浦也

麝香山

寰宇志在秭歸縣東

南一百一十里多麝

宋玉歸州宅雲通白帝城吾人淹老病旅食豈才名

峽口風常急江流氣不平只應與兒子飄轉任浮生

歸州

漢志秭歸本國杜預曰夔國唐置歸州西溪叢語曰歸州亦有宋玉宅

赤甲

卜居赤甲遷居新兩見巫山楚水春炙背可以獻天子美芹由來知野人荆州鄭薛寄書近蜀客郗岑非

我鄰笑接郎中評事飲病從深酌道吾真

炙背

嵇康絕交書野人有快炙背而美芹子者欲獻之至尊雖有區區之意亦已疎矣

郗岑

符載楊鷗墓志永泰三載相國

卜居

歸羨遼東鶴吟同楚執珪未成遊碧海著處覓丹梯

雲障陳作寬江左一云春耕破灤西

桃紅客若至定似昔

一作人逃

暮春題灤西新賃草屋五首

久嗟三峽客再與暮春期百舌欲無語繁花能幾時

虛雲氣薄波亂日華遲戰伐何由定哀傷不在茲

此邦千樹橘不見比封君養拙干戈際全生麋鹿群

畏人江北草旅食灤西雲萬里巴渝曲三年實飽聞

封君

水經注沅水東歷龍陽縣之汜洲洲長二十里吳丹陽太守李衡植柑于其上臨死勅其子曰吾洲里有木奴千頭不責衣食歲絹千疋太史公曰江陵千樹橘可當封君此之謂矣衡柑成歲絹千疋

巴渝曲

晉樂志漢高祖自蜀漢將定三秦閬中范因率賔人

以從帝為前鋒及定秦中封因為閬中侯復賔人七姓其俗喜舞高祖樂其猛銳數觀其舞後使樂人習之閬中有渝水因其所居故名曰巴渝舞

三年

公以永泰元年五月下忠渝至夔大曆三年正月出峽今二年之暮春故曰三年

綵雲陰復白錦樹曉晉作來青身世雙蓬鬢乾坤一草

亭哀歌時自短醉舞為誰醒細雨荷鋤立江猿吟翠

屏

壯年晉作學書劍他日委泥沙事主非無祿浮生即有

涯高齋依藥餌絕域改春華喪亂丹心破王臣未一

家

欲陳濟世策已老尚書郎未息豺虎鬪空慙鴛鴦行
時危人事急晉作惡風逆晉作急羽毛傷落日悲江漢中宵淚
滿床

園

仲夏流多水清晨向小園碧溪搖艇闊朱果爛枝繁
始為江山靜終防市井喧畦蔬繞茅屋自足媚盤飧

豎子至

檀梨且一作纒綴碧梅杏半傳黃小子幽園至輕籠熟奈
香山風猶滿把野露及新嘗欲寄一作欹枕江湖客提攜日

月長

檀

山海經洞庭之山其木多相梨橘櫟

奈

蜀都賦朱櫻春熟素奈夏成

示獠奴阿段

山木蒼蒼落日曛竹竿裊裊細泉分郡人入夜爭餘
瀝一作雅豎子尋源獨不聞病渴三更迴白首傳聲一注
濕青雲曾驚陶侃口奴異怪爾常穿虎豹群

獠奴

北史獠無名字以長幼次第呼之丈夫稱阿暮阿段婦人稱阿口阿等之類

口奴

陶侃口奴未詳所出舊引偽坡注今

削之有人云見劉敬叔異苑考之仍是偽蘇注也異苑是流俗刻本或繕寫人勦入耳不足援据

秋野五首

秋野日疏一作荒蕪寒江動碧虛繫舟蠻井絡一作路卜宅楚

村墟棗熟一作行從人打葵荒欲自一作且鋤盤飧老夫食分

減及溪一作樵魚

井絡

蜀都賦岷山之精上為井絡注曰岷山之地為東井維絡也

易識浮生理，難教一物違。水深魚極樂，林茂鳥知歸。
吾老甘貧病，榮華有是非。秋風吹几杖，不厭此一作山山

薇。禮樂攻吾短，山林引興長。掉頭紗帽仄，曝背竹書光。
風落收松子，天寒割蜜房。稀疏小紅翠，駐展近微香。

密房

蜀都賦：密房郁毓，被其阜。班固終南頌：密房溜其巖。

遠岸秋沙白，連山晚照紅。潛鱗輸駭浪，歸翼會高風。
砧響家家發，樵聲箇箇同。飛霜任青女，賜被隔南宮。

青女

淮南子：秋三月，青女乃出，以降霜雪。高誘注曰：青女，天神，青嫫玉女，主霜雪也。昭明太子博山香鑪賦：青女司寒，紅花翳景。

賜

被

藥崧傳：詔大官賜尚書郎已下食，并給帷被。

身許騏驎畫，年衰鴛鴦群。大江秋易盛，空峽夜多聞。

逕隱千重石，帆留一片雲。兒童解蠻語，不必作參軍。

溪上

峽內淹畱客，溪邊四五家。古苔生迳一作濕地，秋竹隱

疎花。塞俗人無井，山田飯有沙。西江使船至，時復問

京華。

樹間

岑寂雙甘樹，婆娑一院香。交柯低几杖，垂實礙衣裳。
滿歲如松碧，同時待菊黃。幾迴露葉一作落露，乘月坐□
牀。

課小豎鉏，斫舍北果林。枝蔓荒穢淨，訖移牀三

首

一云秋日
閑居三首

病枕依茅棟荒鉏淨果林背堂資僻遠在野興清深
山雉防求敵江猿應獨吟洩雲高不去隱几亦無心
衆壑生寒早長林卷霧齊青蟲懸就日朱果落封一作
泥薄俗防人一作面全身學馬蹄吟詩坐一作迴首隨意
葛巾低
籬弱門何向沙虛岸只一作摧日斜魚更食客散鳥還
來寒水光難定秋山響易哀天涯稍曛黑倚杖更一作
徘徊

寒雨朝行視園樹

柴門雜樹向千株丹橘黃甘此地無江上今朝寒雨
歇籬中秀一作色盡屏紆桃蹊李逕年雖故一作梔子紅

椒艷復殊鑱石藤梢元自落倚刊作天松骨見來枯林
香出實垂將盡葉蒂辭一作枝不重蘇愛日恩光蒙借
貸清霜殺氣得憂虞衰顏更一作覓藜床坐緩步仍須
竹杖扶散騎未知雲閣處啼猿僻在楚山隅

雲閣

秋興賦寓直于散騎之
省高閣連雲陽景罕曜

季秋江村

喬木村墟古疎籬野蔓懸清一作琴將暇日白首望霜
天登俎黃甘重支床錦石圓遠遊雖寂寞難見此山
川

小園

由來巫峽水本自楚人家客病畱因藥春深買爲花

秋庭風落果。灤岸雨頽沙。問俗營寒事。將詩待物華。

自灤西荆扉且移居東屯茅屋四首

白鹽危嶠北。赤甲古城東。平地一川穩。高山四面同。

煙霜淒野日。杭稻熟天風。人事傷蓬轉。吾將守桂叢。

東屯

困學記聞東屯乃公孫述留屯之所距白帝五里東屯之田可百許頃稻米為蜀第一于東屯少陵故居記峽中多高山峻谷地

少平曠東屯距白帝五里而近稻田水畦延袤百頃前帶清溪後枕崇岡樹林葱蒨氣象深秀稱高人逸士之居四川總志大灤水府治東自達州萬頃地發源經此流入大江東灤水府治東十里公孫述于東濱墾稻田號曰東屯夔門志曰東屯諸處宜瓜疇芋區灤西亦然陸務觀記東屯李氏居已數世上距少陵總三易主大曆初故參猶在王龜齡云世傳計臺乃少陵舊宅今有祠堂舊經云少陵祠有三在漕臺奉節縣及東屯三處

東屯復灤西。一種住青溪。來往皆陳作茅屋。淹留為稻

畦。市喧宜近利。西居林僻此無蹊。若訪衰翁語。須令賸

客迷。

賸客

陸機詩遊賞愧賸客

道北馮都使。高齋見一川。子能渠細石。吾亦沼清泉。

枕帶一作席還相似。柴荆卽有焉。斫會應費日。解纜不知

年。

高齋

陸務觀高齋記少陵居夔三徙居皆名高齋其詩曰次水門者白帝城之高齋也曰依藥餌者灤西之高齋也曰見一川者東屯之

高齋也故又曰高齋非一處按此云高齋馮都使之高齋也

牢落西江外。參差北戶間。火遊巴子國。吳作卧病楚人

山。幽獨移佳境。清深隔遠關。寒空見鴛鷺。迴首憶晉作朝班。

朝班

茅堂檢校收稻二首

香稻三秋末。平田百頃間。喜無多屋宇。幸不礙雲山。御

袂侵寒氣嘗新破旅顏紅鮮終日有玉粒未吾慳
稻米炊能白秋葵煮復新誰云滑易飽老藉軟俱勻種
幸房州熟苗同伊闕春無勞映渠盃自有色如銀

房州

房州唐與夔州並屬山南道

伊闕

伊闕屬河南府公有莊墅在焉

東屯月夜

抱疾漂萍老防邊舊穀屯春農親異俗歲月在衡門
青女霜楓重黃牛峽水喧泥畱虎鬪跡月挂客愁村
喬木澄稀影輕雲倚細根數驚聞雀噪暫睡想猿蹲
日轉東方白風來北斗昏天寒不成寢無夢寄一作歸
魂

東屯北崦

盜賊浮生困誅求異俗貧空村惟見鳥落日未一作逢
人步壑風吹面看松露滴身遠山迴白首戰地有黃
塵

從驛次草堂復至東屯二首

一本東屯下有茅屋二字

峽

陳作山

內

一作裏

歸田客

一作舍

江邊借馬騎非尋戴安道似向

習家池峽險風烟僻

陳作合

天寒橘柚垂築場看斂積一

學楚人為

短景難高卧衰年強此身山家蒸栗暖野飯射麋新

世路知交薄門庭畏客頻牧童斯一作須在眼田父實為

鄰

暫往白帝復還東屯

復作歸田去。猶殘獲稻功。築場憐穴蟻。拾穗許村童。
落杵光輝白。除一作殊芒子粒紅。加餐可扶老。倉庾一作廩慰
飄蓬。

刈稻了咏懷

稻穫空雲水。川平對石門。寒風疎落荆作草木。旭日散雞
豚。野哭初聞戰。樵歌稍出村。無家問消息。作客信乾
坤。

上白帝城

城峻隨天壁。樓高更一作望女墻。江流思夏后。風至憶襄
王。老去聞悲角。人扶報夕陽。公孫初恃險。躍馬意何
長。

城峻

寰宇記荆州記云巴東郡峽上北岸有一山孤峙甚峭巴東郡據
以為城水經注云白帝山北緣馬嶺接赤岬山其間平處南北相
去八十五丈東西七十丈又東傍灤谿即以為隍西南臨大江瞰之眩目
惟馬嶺小差透迤猶斬山為路羊腸數轉然後得上故記云寒山九坂最
為險峻

女墻

釋名城上垣謂之女墻言其卑小
比之于城如女子之於丈夫也

公孫

蜀都賦公孫
躍馬而稱帝

上白帝城二首

江城含變態。一上一回新。天欲今朝雨。山歸萬古春。
英雄餘事業。衰邁久風塵。取醉他鄉客。相逢故國人。
兵戈猶擁蜀。賦斂強一作尚輸秦。不是煩形勝。深慙一作愁畏
損神。

白帝空祠廟。孤雲自往來。江山城宛轉。棟宇客徘徊。
勇畧今何在。當年亦壯哉。後人將酒肉。虛殿日塵埃。
谷鳥鳴還過。林花落又開。多慚病無力。騎馬入青苔。

白帝廟

方輿勝覽白帝廟在奉節縣東八里舊州城內有三石筭猶存

武侯廟

遺廟丹青落

一作古

空山草木長猶聞辭後主不復卧南

陽

武侯廟

方輿勝覽在夔州城中八陣臺下宋知州張震祠堂記唐夔州治白帝武侯廟在西郊王十朋記武侯故祠在州之南門泮城而

西少陵所謂西郊諸葛廟其在茲地乎

南陽

南雍州記隆中諸葛亮故宅有舊井一今湖無水盛弘之記云井深五丈廣五尺堂前有

三間屋基址極高云是孔明避水臺宅西有山臨水孔明常登之鼓琴而為梁父吟因名此山為樂山殷芸小說南陽是襄陽墟名非南陽郡也出

苑異

八陣圖

功蓋三分國名成八陣圖江流石不轉遺恨失吞吳

八陣

寰宇記八陣圖在奉節縣西南七里水經注江水又東逕諸葛亮圖壘南石積平曠望兼川陸有亮所作八陣圖東跨故壘皆累細

石為之自壘西去聚石入行行間相去二丈因曰八陣既成自今行師更不覆敗皆圖兵勢行藏之權自後深識者所不能了荆州圖記云永安宮南一里渚下平積上有孔明八陣圖聚細石為之各高五尺廣十圍歷然其布縱橫相當中間相去九尺正中間南北巷悉廣五尺凡六十四聚或為人散亂及為夏水所沒冬水退復依然如故成都圖經武侯之八陣有三在夔者六十有四方陳法也嘉話錄王武子曾為夔州之西市俯臨江岸沙石下看諸葛亮八陣圖箕張翼舒鷲形鶴勢象石分布宛然尚存峽水大時巴蜀雪消之際大樹十圍枯槎百丈破礧巨石隨波塞川而下水與岸齊雷奔山裂聚石為堆者斷可知也及乎水落川平萬物皆失故態唯陣圖小石之堆標聚行列依然如是者垂六七百年陶灑推激迄今不動劉禹錫曰是諸葛公誠明一心為立德効死况此法出六韜是太上智之材所構自有此法惟孔明行之所以神明保持一定而不可改也恒温征蜀過此布常山蛇陣遂勒銘曰望古識其真臨源愛往跡恐君遺事節聊下南山石陸法和亦曾征蜀及上白帝城插標云此下必掘得諸葛鏃掘之得箭鏃一斛吞吳按先主征吳敗績還至魚復孔明嘆曰法孝直若在必云云坡無此言能制主上東行不至傾危矣公詩意亦如此世傳子瞻纖兒偽託耳

謁先主廟

慘澹風雲會乘時各有人力伴分社稷志屈偃經綸

復漢留長策。中原仗老臣。雜耕心未已。歐血事酸辛。
霸氣西南歇。雄圖曆數屯。錦江元過楚。劍閣復通秦。
舊俗存祠廟。空山立一作鬼神。虛簷交一作鳥道。枯木
半龍鱗。竹送清一作溪月。苔移玉座春。聞閩兒女換歌
舞。歲時新絕域。歸舟遠荒城。繫馬頻如何。對搖落况
乃久風塵。孰一作與關張並。功臨耿鄧親。應一作天才不
小得士一作。契無鄰。遲暮堪帷幄。飄零且釣緡。向來憂
國淚。寂寞洒衣巾。

先主廟

方輿勝覽先主廟去奉節縣六里

歐血

魏書亮糧盡勢窮憂恚嘔血一夕燒營遁走入谷道發病卒臣松之以爲

亮在渭濱魏人躡跡勝負之形未可測量而云嘔血蓋因亮自亡而自夸大也夫以孔明之略豈爲仲達嘔血乎及至劉琨喪師與晉元帝箋亦云亮軍敗嘔血此則關張關張既喪蜀之虎臣無與二人並者李義山云引虛記以爲言也

關張

關張無命欲何如皆惜之之詞也今謂公不當

比並關張則陋矣功臨耿鄧親借公之功業將臨耿鄧而未就也述古詩云吾慕寇鄧勳濟時亦良哉亦萬嘆仰之意○細思孰與關張二聯畢竟是公自叙語公當流落風塵之中而不忘應天得士之感故有此言若云稱道武侯則嚼然無味矣伯仲之間見伊呂公所以稱武侯也若以關張比並則兒童皆知其不然何煩子美激贊耶

白鹽山

卓立群峰外。蟠根積水邊。他皆任厚地。爾一作獨近高天。白榜千家邑。清秋萬估一作里。船詞人取佳句。刻畫竟

誰傳

英華作刷練始堪傳

積水

荊州記曰三峽之首北岸有白鹽峰峰下有黃龍灘水最急淤所忌故曰積水邊也

灩澦堆

巨積陳作石水中央。江寒出水長。沉牛荅雲雨。如馬戒舟航。天意存傾覆。神功接混茫。干戈連解纜。行止憶垂

堂

灩澦

灩澦既沒孤根深西來水多愁太陰江天漠漠鳥雙去風雨時時龍一吟舟人漁子歌迴首估客商淚滿襟寄語舟航惡年少休翻鹽井橫一作摸又作擲黃金

白帝

白帝城中雲出門一作城頭雲若屯白帝城下雨翻盆高江急峽

雷霆鬪翠一作古木蒼藤日月昏戎一作去馬不如歸馬逸千

家今有百一作十家存哀哀寡婦誅求盡慟哭秋原何處

村

白帝城樓

江度寒山閣城高絕塞樓翠屏宜晚對白谷會深遊急急能鳴雁輕輕不下鷗彘陵春色起漸擬放扁舟

曉望白帝城鹽山

徐步移班杖看山仰白頭翠深開斷壁紅一作江遠結飛樓日出清一作寒江望暄和散旅愁春城見松雪始擬進

歸舟

鹽山

水經註廣谿峽其間三十里類巖倚木厥勢殆交北岸山上有神淵湖北有白鹽崖高可千餘丈士人見其高白因以名之方輿勝覽在城東七十里崖壁五十餘里其色炳耀狀若白鹽

白帝城最高樓

城尖徑吳一作翼旌旆愁獨立縹緲之飛樓峽坼雲靈龍虎卧一作吳作江清日抱龍鼉遊扶桑西枝對一作封斷石弱水

東影隨長流。杖藜歎世者。誰子泣血逝空迴。白頭。

扶桑

山海經賜谷上有扶桑十日所浴居水中有大木九日居下枝一日居上枝

弱水

禹貢疏云弱水最在西北水又西流

白帝樓

漠漠虛無裏。連連睥睨侵。樓光去日遠。峽影入江深。
臘破思端綺。春歸待一金。去年梅柳意。還欲攪邊心。

陪諸公上白帝城

吳有頭學

宴越公堂之作

此堂存古製。城上俯江郊。落構垂雲雨。荒堦蔓草茅。

柱穿蜂溜蜜。棧缺燕添巢。坐接春盃氣。心傷艷藥梢。

英靈如過隙。宴衍願投膠。莫問東流水。

一作水清淺

生涯未

卽拋。

越公堂

方輿勝覽在瞿塘關城內隋楊素所爲

投膠

吳若本注古樂府以膠投漆中誰能別離此

峽隘

聞說江陵府。雲沙靜

一作淨

眇然白魚如切玉。朱橘不論

錢。水有遠湖樹。人今何處舡。青山各

陳作若

在眼。却望峽

中天。

諸葛廟

久遊巴子國。屢入武侯祠。竹日斜虛寢。溪風滿薄帷。

君臣當共濟。賢聖亦同時。翊戴歸先主。并吞更出師。

蟲虵穿畫壁。巫覡醉蛛絲。欵憶吟梁父。躬耕也

一作起未

遲。

峽口二首

峽口大江間。西南控百蠻。城欵連粉堞。岸斷更青山。

開闢多一作當天險防隅一水關亂離聞鼓角秋氣動衰

顏

時清關失險世亂戟如林去矣英雄事荒哉割據心
蘆花留客晚楓樹坐猿深疲茶煩親故諸侯數賜金

主人柏中丞
頻分月俸

天池

天池馬不到嵐壁鳥纔通百頃青雲杪層波白石中
鬱紆騰秀氣蕭瑟浸寒空直對巫山出一作峽兼疑夏禹
功魚龍開闢有菱芡一作芡古今同二云豐聞道奔雷黑初看
浴日紅飄零神女雨斷續楚王風欲問支機石如臨
獻寶宮九秋驚雁序萬里狎漁翁一作樵童更是無人處誅

勞一作茅任薄躬

瞿塘兩崖

三峽傳何處雙崖壯此門入天猶石色穿水忽雲根
猿獮鬚髯古蛟龍窟宅尊羲和冬一作驂馭近愁畏日車
翻

雲根詩人多以雲根為石以雲觸石而生也宋孝武登樂山詩屯烟
擾風穴積水溺雲根元魏宣武裴祭詔云栖素雲根餌芝清壑

夔州歌十絕句

中巴之東巴東山江水開闢流其間白帝高為三峽

鎮夔州一作瞿塘險過百牢關

巴東三巴記巴地東至魚復西連楚道北接漢中南極梓州是
其界也寰宇記劉備改魚復為永安後主改為巴東郡百牢

關寰宇記在漢中郡西縣西南隋開皇中置以蜀路險號曰百牢關一云
置在百牢谷元和志隋置白馬關後以黎陽有白馬關故更此名按百

牢關爲入川之隘口但不如瞿塘之險耳偽蘇注載辛毗云夔州百牢關兵馬不可越祝穆誤引之遂載百牢關於夔州宜削去

白帝夔州各異城蜀江楚峽混殊名英雄割據非天意霸王并吞在物情

入蜀記晚至瞿塘故夔州與白帝城相連杜詩白帝夔州各異城蓋言難辨也

群雄競起問前朝王者無外見今朝比訝漁陽結

怨恨元聽舜日舊簫韶

朱浮傳浮以書責彭寵曰奈何以區區漁陽結怨天子

赤甲白鹽俱刺天閭閻繚繞接山巔楓林橘樹丹青

合複道重樓錦繡懸

西京雜記終南山有樹葉一青一赤望之斑駁如錦繡長安謂之丹青樹

灤東灤西一萬家江北江南春冬花背飛鶴子

遺瓊藥相趁鳧雛入蔣牙

東屯稻畦一百頃北有澗水通青苗晴浴狎鷗分處

處雨隨神女下朝朝

困學記聞東屯有青苗陂

蜀麻吳鹽自古通萬斛之舟行若風長年三老長歌

裏白晝攤錢高浪中江鄰幾雜志白馬灘前高浪中

入蜀記長讀如長幼之長長年三老梢工是也攤錢博也梁冀能意錢之戲注云卽攤錢也

憶昔咸陽都市山水之圖張賣時巫峽曾經寶屏

見楚宮猶對碧峰疑

武侯祠堂不可忘中有松柏參天長干戈滿地客

愁破雲日如火炎天涼

閩風玄圃與蓬壺中有高堂晉作唐天下無借問夔州壓
何處峽門江腹擁城隅

上卿翁請修武侯廟遺像缺落時崔卿權夔州
大賢爲政卽多照刺史真符不必分尚有西郊諸葛
廟卧龍無首對江濱

杜工部集卷之十四

錢遵王戴應商校

